

東

華

續

錄

光緒一百五十九

臣朱壽朋敬編

臣張毓英恭校

三月癸卯朔滿岑有富爲貴州鎮遠鎮總兵楊玉書爲黔南爲麗鎮總兵○乙巳諭本年朕三旬壽辰所有年逾七旬之文武一品大臣業經分別加恩河東河道總督任道鎔年近八旬精神強固加恩著賞給御書壽字一方蟒袍一件以示嘉惠耆臣至意○己酉 上奉 慈禧端佑康頤昭豫莊誠壽恭欽獻崇熙皇太后幸頤和園駐蹕○庚戌貴州巡撫一毓藻卒賜卹如例○壬子以瀕州張肯堂家澠口合龍子出力人員尙其亨等獎敘有差○裕祿奏查上年夏秋以來山東邊界時有拳匪滋事之案直隸河間深冀等屬與東省毗連之處亦漸被匪徒誘惑習拳滋事全賴地方官妥爲諭禁解散被惑愚民查拿滋事首要方足以資綏靖總辦才嚴飭各牧令認真辦理乃訪聞正任棗強縣知縣凌道增上年冬間於飭緝該縣首匪王慶一犯並不認真緝拿且有任縱該匪首出入衙署致令聞拿逃逸情事卽經飭令藩臬兩司派員密查茲據該司等委員查覆該縣凌道增因該縣有拳匪馬玉堂滋事之案聽信家丁吳浚川之言以王慶一係拳民教師遂任聽其出入衙署遣兵役由景州往緝該匪首業已遠處各情訪查詢

係屬實至王慶一脫逃是否吳浚川暗與送信探訪與論僉稱事涉私密不能確指若以情形而論不無可疑現吳浚川於凌道增撤任後即不在縣應查緝到案訊明究辦等因由藩司廷杰臬司覺難延雍請將正任棗強縣知縣凌道增奏參前來奴才查該縣凌道增於滋事之案並不妥為查辦輒聽信家人吳浚川之旨令拳匪王慶一出為處和已屬辦事乖謬迨經豫州兵役赴該縣查緝王慶一又致聞風脫逃更難保無該屬家丁吳浚川暗通消息該縣有縱匪不拿情事除飭嚴拿匪首王慶一暨該縣家丁吳浚川務獲訊明究辦外相應據實奏參請 旨將棗強縣知縣凌道增即行革職仍俟拿獲匪首王慶一該縣家丁吳浚川到案訊明有無迴護縱匪情弊再行照例擬辦得 旨凌道增著即行革職餘依議○癸丑欽奉 慈禧端佑康頤昭豫莊誠壽恭欽獻崇熙皇太后懿旨京帥入春以來雨澤稀少予心實深殷盼因念感召天和當以欽恤庶獄為先著刑部查明勅發監候等人犯分別辦理減等以昭寬典而迓祥和○甲寅豫頒 萬壽恩詔○諭高庶恩著開缺以四品京堂候補宏德殿行走○命慶善為駐藏辦事大臣○丙辰增祺晉昌奏奴才晉昌於光緒二十五年十一月二十八日由省赴圍十二月二十四日旋省當經奏報在案上年入圍之時自土口子出邊由西而東折而北行閱歷一周竊見圍場地勢壯闊脈連而長兼之山嶺迴環川路紆折內平衍而外險阻誠吉林之南障而秦省備防之後路也其圍界南控

龍海北達伊通西與西流毗連一嶺東通朝陽各鎮中西斜長一百餘里南北寬至數十里或有餘里不等溯自 國初撥留荒殆有深意至今數百餘年精華之著積凡可以厚民生資籌備者賴乎此此次續行開辦若不詳審圖謀何以爲因地制宜之計奴才等公同商酌擬於嶺內適中之區寬留城基一處與西流勢成掎角其四圍酌設大小十二鎮地基亦須寬大並於附近城鎮地方相其形勢如果可

以屯兵或宜牧養卽擇要劃留以備將來之用其餘但係可墾之地均應挨次丈量編立號數俟將戶口查明卽行撥放惟上年開繩已在冬初嗣因大雪瀾漫難施繩丈遂於臘月間一併停止清查丈四分局共丈出上中下八千餘號約地三十萬畝有奇今春尚須添派員司及時勘丈以期迅速所難者此項荒地係爲安插金民而安插能否得實要在清查戶口前以金州協廳冊報願遷各戶內多將地是以另委各員赴金穀局認真覆查爲和界以內事關交涉當經咨由總理衙門轉行知照並令該委員速與商俄員乃幾經辯論彼堅不允嗣經許將俄冊借核究未送交互反有案找山林各冊之誤其意蓋恐眾戶遷徙賦役無出故多方推脫以致該員等在金數日無從行查現擬變通辦理於無可核實之中求一核實之法惟有仍責令該協廳會同委員等迅速諭令願遷各戶以持前額護照來金城報明如查有假冒立卽扣除現據金州協廳會同委員先後詳查業已查出旗民冒領戶照一千六百餘戶仍令趕緊嚴查其

核與前冊相符者始准將所領護照內蓋印金局戳記發還飭令赴關聽候撥地以符原議至撥放以後尤應隨時行查如有領地到手轉售他人或姓名口數不符原冊仍令即時遷出扣還原地或不至始終混淆其他一切章程仍遵前次所擬逐節開辦下所司知之○丁巳諭邵積誠奏酌省水災懇恩撥發賑款一摺貴州畢節威寧貴陽筑普安永城平遠黔西清鎮等處上年秋成歉收經該護撫籌款平糶今年入春以來仍少晴霽收成尙無把握災區甚廣爲日正長軫念民依實深厯系著戶部迅速籌撥銀十萬兩發交邵積誠飭局分別災情輕重切實籌賑賑濟該護撫務督率印委各員悉心經理總期實惠及民用副朝廷愛育黎元至意○戊午戶部總理各國事務衙門奏光緒二十六年二月二十七日軍機大臣面奉 諭旨前據宣懷等覆陳籌議增稅事宜當以該京卿等所籌進口洋貨稅釐併徵並將出口土貨向完半稅者改完勝金以抵虧撥之數於內地各省釐金有無滯礙之處當諭該京卿等詳慎辦理矣事關餉項大局著總理各國事務王大臣戶部將據宣懷等所奏各節利弊若何會同詳籌詳議具奏無稍遷就盛宣懷等摺一件單二件均著鈔給閱看欽此欽遵由軍機處鈔交到部查原奏內稱上年十月十六日奉 諭旨盛宣懷條陳籌餉事宜開單呈覽一摺據稱加稅一舉與各國屢議未成查咸豐十年新定通商稅則善後條約第一款載明應核估時價照值百抽五例徵稅現在金銀賤值但銀地

定此語將各口進出口稅則照時價另行核估自無所用其加稅現屆十年換約限期應及時迭與
真開議又近來外國藥料器皿等物中國銷路甚廣不盡各國官商自用應如何分別辦理之處請
一并籌議等語各口關稅如照現在時價核估所徵稅項實為籌餉大宗著派咸宜懷遠商會同赫德
查照條約迅速籌辦仍由總理各國事務衙門綜核辦理欽此一等當即先與赫德迭次會商旋經赫德
呈遞估價比較清冊並據詳稱洋稅二千數百萬兩內有洋藥一項已經加稅船稅一項無從另估又進
口冊內新增各口已照現時估價亦難再增出口貨皆係銀本絲稅則法國不願加增茶稅本屬太重
須議減方能暢銷止有原列稅則內金價所置之進口貨可照時價另行核估洋貨土貨索長補短每年
通批徵收之數必有加增其所增多寡以由路為衡殊難豫定實數等語並竊以為稅則十年一修尚
須無事之秋方能照約籌議官屬機不可失現與赫德詳細妥籌必須稅釐兼顧乃為有利無弊擬請照
前奏先將進出口貨一面照時價核估持平修改一面專指洋貨按照洋藥稅釐並徵辦法於核估時價
正稅值百抽五之役並連子口半稅二五批加釐金一倍共總值百抽十五但在海關並徵則於籌餉大
有裨益伏查洋藥稅釐並徵每年得以加增五百萬上下中飽而漏之弊一掃而空俱歸實際此實中國
通商以來最為利益之事故臣等此次擬將進口洋貨按照辦理在洋藥不過進口貨之一端關涉亦僅

在一國當時籌辦已如此之難，則不止一項，並須與各國次第商量。近來辦理交涉尤與前情勢不同，能否克期就範，尚無把握。但有可設法之處，自應盡力籌維。曾向洋商詳加討論，其意總以各處釐金留難紛雜，於彼貨銷場有礙。若能將釐金定一確數，與關稅一起併徵，較為畫一。簡便貨可暢銷，則雖多出稅銀，可免需索拖延之累。彼或尚可允從。現議稅釐併徵，係專指進口洋貨而言。其土貨釐捐一切照舊，並擬將出口土貨向完半稅者，亦完釐金，以抵洋貨釐捐。改歸海關併徵之數。是於各省釐金釐無所損。所有現擬辦理情形，分別開呈。清單二件。恭呈 御覽。其中所擬辦法，皆與赫德逐細考究，據情即可持此開議等語。臣等伏查釐捐關稅之設，其緊要節目一在於將進出口貨物按時價另行核估。一在於將外國菸酒等物照章分別納稅。而特恐洋人未必允從也。因議將洋貨釐金歸併海關徵收。而又恐各省釐金驟短也。因議將出口土貨半稅改由各省抽釐。該京卿等所擬辦法固已與赫德詳加考究。幾費籌商始奏。請持此開議。第其為利為害，輕重各殊。有未可一概論者。謹為 皇太后 皇上 縷晰陳之。

洋貨進口出口通商條約內聲明稅則未載，又不免稅之列者，應核估時價值百抽五。今擬修改稅則，凡進出口貨物一律核估時價，照值百抽五例徵稅。據赫德節略內稱，大約可增進口稅三百萬以內。又據該京卿函稱，總稅司鈔閱洋關去年報章內載進口洋貨除洋藥外，共計值貨本銀二百二十兆九十

五萬五千餘兩而能徵進口正稅共得銀六百六十五萬六千餘兩每值百兩抽不足三兩若修稅則改
准值百抽五核計可得正稅九百餘萬等因皆專指進口洋貨而言至出口土貨稅通盤核計爲增爲減
未經詳細指明且進出口各貨一律另行核估減稅者或係多銷之貨增稅者或係少銷之貨原奏亦未
慮及惟據總稅司比較清冊核算稅則雖有增減而所減之數不敵所增之數尙屬有益無絀是按照
時價另行核估可信其有大利而無大害也又進出口免稅各物通商條約內載除金銀外國銀錢行李
毋庸課外其餘運往內地皆完納稅銀近來洋酒洋菸捲及外洋藥料器皿等項內地各省幾靡不銷售
僅以爲家用船用雜物無論運往何處不復細加分別任令一概免稅是彼之銷路日廣我之漏卮愈多
誠恐漫無限制巨各國官商自用亦應議定數目今屆修改稅則之期該京卿等擬將前項雜物由總稅
務司分別開明附後以免牽混若運入內地售賣仍照章納稅並謂此項約略懸揣亦可計銀一百萬之
譜是免稅各物酌改爲徵稅之物更可信其有大利而無小害也至洋貨釐金向由各省徵收因籌增洋
稅擬照洋藥稅釐併徵成案改由海關徵收則必先知各省歷年釐金洋貨約分幾成並預計歸併以後
關稅可增若干持論方稍有根據茲查各省報部釐金每年約一千六百萬加以外銷溢收之數每年約
共二千萬按現在釐稅以洋貨三成土貨七成均勻牽算則洋貨釐金每年有六百萬近年洋貨進口正

稅實徵六百餘萬洋貨子口半稅實徵六十餘萬若如該京卿所擬則子口稅照正稅加二五應有半稅三百餘萬若先將洋貨按時價核估可得正稅九百餘萬則子口半稅應有四百餘萬較向來正半稅已加增六百萬再將洋貨釐金歸併海關加倍徵收較向來各省釐金更可加增六百餘萬誠屬大有利益然近來洋旗盛行往往有華商託名洋商以圖規避將金若得將洋貨釐金歸併海關徵收則土貨實充洋貨者益多內地釐金必大為減色設異日因土貨無從稽察更或別滋流弊再議將洋貨改為內地抽釐恐利權已難以收回貨滯為餉項大宗其盈絀所關甚鉅正未可以藥釐一端相提並論是洋貨釐金改歸海關並徵有大利必有大害也又土貨出口半稅向由海關完納今因洋貨釐金擬歸海關併徵遂擬將土貨半稅改完釐金以抵貨釐歸併之數似此各省不至有損第查洋貨釐金每年約收六百萬而土貨子口半稅上年僅徵十五萬六千餘兩多寡懸殊實屬難以相抵且洋商樂簡便而畏繁難該京卿等既奏稱曾向洋商討論其意總以各處釐金留難紛紜於彼貨銷場有礙始議釐金與關稅一起併徵茲復議將土貨子口半稅改由各省完釐洋商亦豈意肯從原奏雖為抵補貨釐起見既查明數不能相抵又視向來應完半稅一無減增徒令釐局海關每多繁瑣撥還彼此轉輸之事此則大利可料其必無而小害仍不免時有者也夫舉果無甚利害自無煩徒事更張該京卿等所奏土貨半稅改完釐金一節

似可無庸協議至若洋貨稅釐併徵名爲加稅實則免釐利害止復相等亦屬未敢輕議惟進出口貨物按時價核估外國菸酒等物仍照章納稅竊以爲利多而害少或有利而無害似可照盛宣懷條陳時宜原奏一併妥議籌辦等語在會商間於三月初一日由東機處交出御史許祐身奏加稅免釐有關大計未可輕議史張一摺又於三月十一日交出軍機章京龐心增呈請代奏加稅事宜行止俱關大計賊陳利弊一摺均奉 諭旨著總理各國事務衙門王大臣戶部歸入盛宣懷等前奏妥議具奏欽此查御史許祐身原奏謂洋貨免釐則土貨偷漏益多用一洋員薪水戰局員億徒章京龐心增謂專按時價核估補稅菸酒等物無論所增多寡要爲收回之利各等語立論均不爲無見方今籌餉艱難常年進款果加增千百萬時局庶大有轉機然必須確有把握方敢奏請施行不得以懸擬之詞姑爲嘗試此事關係甚大凡屬臣工有兼管交涉及理財之責者均宜究其利害權其輕重以期折衷定議應請 旨飭下南北洋大臣兩廣兩湖四川閩浙各總督江蘇安徽江西浙江山東各巡撫查照盛宣懷等原奏清單及臣等議覆各節參以本省實在情形按之中外現在時勢如何可有利而無害如何可利重而害輕勿持兩端勿執成見總須妥議辦法於文到一月內迅速覆奏一俟各省覆奏到日再由臣等從長計議切實奏明辦理又奏咸豐十年條約第二十七款內載此次新定稅則並通商各款日後彼此兩國再欲重修以

十年爲限期滿須於六箇月之前先行知照酌量更改若彼此未會聲明更改則稅課仍照前章完納復俟十年再行更改等語本年九月間又屆十年限滿修改稅則之期現據大理寺少卿盛宣懷等具奏籌議增稅事宜業經臣等於會奏摺內臚陳利害通行各省一體切實妥議俟覆奏到日再行核辦惟事關重修稅則須於六箇月以前先行知照酌量更改未便稍有稽遲請京師條陳籌餉前奏原請將進出口貨物照時價另行核估又擬將外國菸酒藥料器皿等物分別籌議辦理並未牽涉內地釐金估屬扼要辦法應請旨飭下盛宣懷等緝聚會同材德先就貨物時價另行核估及菸酒等物分別納稅兩端照會各國公使先行開議以期無誤事機仍令將開議以後一切詳細情形隨時咨呈總理各國事務衙門認真總核再行斟酌定議上諭軍機大臣等戶部總理各國事務衙門奏遵議盛宣懷等覆陳增稅事宜各摺片所議釐稅併徵係專指洋貨而言與土貨釐金尙無關涉此事利害出入關繫甚大如果確有把握則每年可增至千百餘萬之進款固於大局實有裨益亦不宜諉延觀望致失事機所有洋貨加稅免釐一事著南北洋大臣兩廣湖廣四川閩浙各督撫查照原摺參以本省情形按之中外時勢如何有利而無害如何利重而害輕勿持兩端勿執成見妥爲籌定限一箇月內覆奏○已未西安將軍國俊因病奏請開缺回旗允之○吏部尙書熙敬卒賜卹如例○庚申以剛毅爲吏部尙書立山爲戶部尙書調

敬信爲兵部尙書○以崇禎爲正紅旗漢軍都統明勳爲熱河正總管○諭各省鄉民設團自衛保護身家本古人守望相助之義果能安分守法原可聽其自便但其間良莠不齊或藉端與教民爲難不知朝廷一視同仁不分畛域該民人等所當仰體此意無得懷私逞忿致起釁端自干咎戾著各該督撫嚴飭地方官隨時剴切曉諭務使各循本業永久相安庶無負諄諄誥誡之意○辛酉調英年爲戶部左侍郎轉世續爲工部左侍郎以煜興爲工部右侍郎○壬戌甘肅新疆喀什噶爾提督張俊卒照提督軍營病故例議卹原籍及立功省分建祠戰績交國史館立傳並賞其子一品廕生則超員外郎○癸亥以羅榮光爲甘肅新疆喀什噶爾提督欽命福爲天津鎮總兵○劉家模奏臣維民風士習隨教化爲轉移教化之興由於學校轉移之廣寄之君師近年以來康有爲梁啟超二逆煽造邪說幾有居中國去人倫之意一時外而巡撫學政內而卿貳大員並爲游揚恣其鼓吹下儆新進之士皆欲希下風而附宗光大道晦盲人心否塞當此之際寔足殆哉而揆之禍始之興由來匪一朝一夕也欣逢 慈聖臨御規復舊制昌明正學海內士庶莫不同心向化爭自濯磨思呈樞樞之材勉拔菁莪之秀本年恭應 皇上三旬聖壽特開慶榜肅忠士林率土芻人同深欣忭並欽泰正月初六日 上諭恐各省士子齎習未除勅爲奇表所感諄諄爲培養人材挽救人心之計且等恭讀之下欽佩莫名惟教有根源必當返求其本各省學校爲

培材之地司訓一官責任綦重又去諸生耳目最近苟能勉勤職分凡籍隸膠庠者固採其鄉評而知其素行觀其文藝而知其學術如有矜奇好異邪說誣民者即可痛加擯斥勿任蔓延其有趨向正大志在君國者亦必隨時旌揚俾作矜式凡人自得觀感而興起於善至書院議舉自省會以下所屬皆有常年脯脩膏獎地方儲有款息足爲經久之計與學校相輔而行如地方官認真整頓慎選名師釐定教士之規講求有用之學遠近必聞風翕然師道立而誇人多也乃近聞之教官其自好者不過與諸生相安無事否則視諸生如讐仇考課宣講概置不問其舉優者多出於餽遺厚貲劣者每由於需索不遂教官如此士習其何由端前次行新政時有改書院爲學堂之議乃學堂未成書院漸弛所存款息多被地方官侵蝕現雖漸次規復而館穀豐者常有巨紳盤踞或出自上官推薦不論其學品優劣更有一人擁數館視爲利藪常年不到館課卷書因肄業生徒每朋居燕處伸贖爲非而不之顧觀於京師金臺書院之廢弛情形則外省更可想也相應請 旨飭下各省督撫學政將學校書院加意整飭責成教官山長嚴除積習勸息教育其有司訓不稱職主講不認真者隨時參撤以示懲儆 上諭御史劉家模奏士風澆漓請振興學校書院以培根本而杜邪趨一摺從來教術之興由於學校迭經明降諭旨醇醇以昌明正學培養人材爲本特開慶榜嘉惠士林菁莪棗栗之材諒能登進惟是教育之任實在師儒各省學校

爲培材之地而訓一官與諸生地近情親如能勉勵職分凡名列膠庠者不難採其鄉評而知其素行觀其文藝而知其學術如有矜奇好異邪說誣民者卽宜痛加擯斥毋使萌芽其有趨向正大心存君國者必當特予旌揚俾爲多士程式至於書院義塾與學校相輔而行常年脩脯膏廩地方官皆備有的款足以爲經久之計尤宜責成地方官認真整頓慎選名師嚴定教士之法勤求有用之學師道立而習人多遠近自必聞風景附此次申諭之後各直省督撫學政務宜將學校書院加意整頓責成教官山長痛除積習勸學教育其有司訓不職主講不稱者卽時撤參以示懲儆用副朝廷維持士習培植根本至意○甲子錫伯營領隊大臣德克津布卒賜卹如例○以桂斌爲錫伯營領隊大臣○丁卯邵積誠奏查貴州遵義府所屬州縣接壤川境自前年川匪余棟臣滋事各處會匪假名仇教惑眾倡亂屢經嚴飭拿辦地方始稍安輯上年九月初五日據遵義府王聯輝稟據仁懷縣林廣堯稟稱縣屬大白崗地方有會匪陳五川句結川匪張立堂廖子香等糾黨謀逆肆行焚燬於八月二十九日膽敢揚旗執械窺至縣屬二郎壩地方燒搶教堂並教民二十六家當經飛檄省防貴陽營練軍管帶邱俊書帶兵兼程前往查辦九月十七日復據仁懷縣林廣堯稟報十二日三吏時擒獲奸細游治安一名訊據供稱賊首陳五川等率黨一千餘人約於當夜五鼓入城劫獄該縣隨即督同把總蘇發榮籌備城防一面遣役赴鄉徵

面各帶兵役分城固守不意四更後賊黨已逼城下昏夜倉卒城中兵役無多勢不能敵被匪闖入攻撲縣署劫出獄犯一十二名幸附城鄉團圍擊四集該縣與把總蘇發榮督同團練奮死力戰陣斬悍賊四名直至黎明賊匪受傷者衆始行潰走我軍陣亡一名拒傷二名幸未傷及百姓賊黨退聚仁懷縣屬之放牛坪等處意圖再舉等情具稟前來當卽檄委營務處道員張勝嚴帶同定廣營練軍管帶張紫雲遵義營管帶劉鎮湘新軍營管帶張卓前往剿辦並電請四川督臣奎俊派兵協助於九月十八日經前撫臣電奏在案十月初六至十一等日據道員張勝嚴稟報該道途次接據遵義府王聯璧飛稟賊黨由放牛坪分股一撲桐梓一攻綏陽皆以打毀教堂爲名同時遵義縣仁懷屬等處土匪均有起應之勢該道員相度緩急分兵堵禦派洋操隊哨長宋振鐸章定標率所部由鴨塘進剿羅斛營管帶蘭應元率所部由九壩進剿定廣營管帶張紫雲率所部由仁懷進剿各路鄉團分繼續勇之後以助聲勢約於放牛坪會同攻拔賊寨一面飛飭桐梓縣何宗翰綏陽縣程鳳昌會同營員督飭團練嚴布城防以防宣變並飛調貴陽營管帶邱俊書率所部哨長彭隆彰前來助剿十月初一日晨間彭隆彰率隊行抵官木崖地方適與賊遇鏖戰移時據險不退彭隆彰旋用排礮轟擊止斃悍賊十餘名傷賊甚夥賊始潰奔退踞後嶺兵圍奮力追擊生擒悍賊二名賊衆飛石如雨練軍嚴德順陣亡受傷練軍五名團勇被傷尤衆當晚收

隊次日晨刻張紫雲等亦率隊馳至兩面夾擊賊勢窮蹙遂焚棄巢穴分竄雞公山樹巖溝等處張紫雲彭隆彰張卓等分往追捕擒獲僞先鋒馬占春一名初四日午刻探報賊首陳玉川復率悍黨回竄河溝場爲報復之計該道員立即率領所部親往搜剿當派邱俊書督同各軍以快礮環擊以劉朝宗所部立字右營陳志良亦率隊協同搜剿賊嗣亦施劈山大礮助以矢石我軍被傷六名並傷外委陸雲彪兩丁受傷十六名陣亡一名自午至酉礮聲不絕當晚我軍收隊環紮箐林次日復派同知劉大琮督隊直逼洞前搶登賊壘僅存婦女老幼始知賊已夜遁檢存洞內鎗斃賊尸三十四具隨即派撥弁兵分路搜擊拿獲首匪陳玉川及其子陳大愷陳小愷僞先鋒吳剛亭王九和蔡同崑金童陳舞等五名悍賊曾寅濱王同濱李銀高蔡同狗等四名斬獲首級十六顆連日先後捕獲僞先鋒曾銀山僞軍師吳四九僞百長向洪順等二十餘名於十一月初五日派撥弁兵押解來省當經前撫臣督同司道提犯訊明陳逆供係遵義縣人開川匪張立堂係余棟臣黨羽欲借打教爲名以便聚眾起事因謀搶劫仁懷縣監獄遂於九月十一日攻入仁懷縣城並與吳剛亭吳四九等供認謀逆攻城不諱當即恭請王命將首逆陳玉川綁赴市曹凌遲處死餘匪一併正法傳首犯事地方懸竿示眾以彰國法而快人心並一面出示申明例意免究務從以杜練團借端滋擾現在地方如常安靖堪以上慰宸系查此次首匪陳玉川等效

川匪余棟臣故智以仇教爲名惑眾倡亂勝攻撲縣城搶署劫獄以致遵義所屬無知愚民被其煽惑

羣思蠢動幾至燎原幸賴天威遠播將士用命鄉團奮勇卒使元惡就擒餘匪殄滅兼旬之內事定民

安不致蹂躪蔓延所有在事文武員弁實屬異常出力查候補道張勝箴撲滅仁懷股匪辦事實屬迅速

合無籲懇天恩准以道員交軍機處存記並賞換頂戴其餘出力員弁可否擇尤保獎以示鼓勵之處

出自聖裁得旨知道了准其酌保數員毋許冒濫張勝箴著賞給二品頂戴○奎俊奏前因勦擊

夷迭次出擾誘殺官軍當將派員募勇籌辦情形附片具陳並將冒昧僭事之副將王金成請以都司降

旨示懲發陣亡員弁附請議卹在案隨據建昌鎮總兵因殿魁密奏府知府唐翼祖稟稱該夷負隅抗拒

凶醜甚張糾集凶徒有分路出擾之說附近各夷亦皆附從爲亂湯忠亦亟等情奴才查竊逆夷渠四棋

東南之夷聚於靖遠以勒察爲最強西北之夷環繞郡城以糯米爲最強但係野番向未歸化而勒察文

族尤感其首支曰咕哈業在毋猪呷窩地方層巖複壁密林深環而相向者曰租竹落曰阿蘇老曰宜

夫井家會扎眾至數萬分據險要首擊尼勒之勢自非厚積兵力分道進攻不能制其死命從前剿辦

夷匪徵兵或至二十餘營當此時艱餉絀不繼而外兵不諳地勢夷情亦難得力奴才稔聞該處土

民習與夷戰深悉夷中技倆道里險易其由開戶出身者精於鎗法尤爲諸夷所懼而土職中亦多有快

鎮戰于以夷攻夷大有成效當飭該鎮府就地招募並調團丁士兵各一二千名分期剿辦為游擊之帥其誠字保哨各營亦合援隊繼進以資策應至兩河口城工等處皆有團練飭其分段紮防以防掩襲並飭唐震祖親赴嘉遠老營督率調遣又派熟於兵事文武官員護解軍餉銀數前往助之此奴才察看夷情力籌剿撫調用團丁各兵分別布置之情形也嗣據唐震祖馳報該夷於十月初六日分股傾巢出擾內地我軍分三路迎剿一路由兩河口進兵攻其前一路由堡子進兵攻其中一路由熱水進兵攻其後各以勇營與團丁士兵相輔而行期於直搗老巢而止初九日申刻熱水一路各軍先與匪遇匪數千人由東山嶺奪巖蜂擁而下猛撲我軍該管帶士職等督率勇兵奮勇抵禦矢石如雨相持三時之久而夷眾死戰不退都司張輔輝團首萬珍等潛率偏師由山腳竊襲該夷後路鎗礮齊施擊夷數十人並斃夷首耳打一名諸夷紛紛潰散我軍追殺十餘里斬賊無算奪獲刀矛數百具是為熱水一路得勝之先聲也兩河口一路於十三日與該夷接仗該夷前隊皆手持前尖洋鎗直薄我營沙土子戶麻繩祖與甯武成功保哨各營協力迎戰士兵什長盧文發鎗斃督隊首夷夷眾相率奔逃方始收隊麻繩祖知夷未受大創必來報復預先知會各營押甲以待翌日逃夷果率大隊來攻身披皮甲兇猛異常麻繩祖等列隊擊之將騎馬悍夷哪唏叶喀噠哪哨先後轟斃夷眾潰退左營守備楊有奎披河千總龔應

雄府經歷沈百齡等督同土兵四面圍圍寨不可勝計此又兩河口一路連獲勝仗之情形也由兩河口抵東渠必經齒格山梁該山高插雲漢內只一綫羊腸爲漢東門戶用兵必爭之地唐翼祖恐該夷先據此山遂飭各軍拔隊齊上而積雪沒脛弁勇皆魚貫猿登二十一日辰刻我軍甫至山梁尙未紮營逆夷揮衆而出各持雙刀雙標洋鎗鳥銃並矢石等件迸力來爭祿繩祖飛飭士兵哨長分五路迎敵管帶成功營團練蘇喜泰派隊大成趕築營壘以四成隊同保哨營哨弁劉路成甯武營前哨尹金美等分伏洞谷接應掩擊土兵哨長韓正國等各率其隊施放洋鎗連擊夷匪數十人該夷撲攻益力蘇喜泰等伏兵齊出分頭截殺約斃黑白夷人三百餘名各夷勢遂不支四散逃竄我軍乘勝直抵夷寨將哈哈等夷堡平燬三十餘座擒獲悍夷二名夷婦二名沖營進紮後燒燬棚柵二百餘間奪得戰馬數十匹氈衫數十領火鎗刀標多件救出被擄難民五十餘人其餘難民均於官軍得勝之時乘間逃回所有敗竄各夷遁入老林不敢再出其中大堡子一軍經過相竹落等處但已望風落膽到營乞降卽勒募各支如阿蘇老會扎井家等夷亦皆相率來歸惟官夫係哈親支首先逆自知罪重懼不敢降當經唐翼祖派委西昌縣知縣侯鑑瀆冤甯縣知縣饒敦秩與土職翁鎮榮等授以機宜並飭井家會扎兩支夷人入巢開導勸令緝賊渠魁免其治罪一面備以兵威遂使該夷捆送悍酋吉根依底陣且喻烏木呷木雞咀噠

六名並繳還前失洋鎗器械號衣長跪軍前泣求贖罪並請哈滋事免夷但被陣物具有一二受傷逃匿懇乞立限查拿務獲擒獻等語復經唐翼祖傳集投誠各夷飭令敵盟飲血大鐵牛皮各具保路換班永不滋事甘結隨酌費以銀牌鹽酒布匹宣布 朝廷恩德並將送出各夷當眾訊明噶且吉根依底兩名實係糾眾聚亂抗拒官軍殺戮弁勇丁之犯均屬罪無可寬卽於軍前正法爲示且噶烏等四犯情罪悞輕永遠監禁以昭炯戒各酋感激涕零誓不再叛此勅發支夷分別撫卹而已而化之情形也其環居郡城西北之糯米各支此次雖未與勒察爲亂而不時搶殺漢民甚爲過患自應乘此兵威移師辦卹爲一勞永逸之計當經唐翼祖等分派各營進駐茂境並飭五品軍功方殿勳等親赴夷寨曉以利害諷夷糯米牛牛長耳阿底賈烏等支亦皆聞風震懾齊抵郡城各願派黑夷至府營差作質永遠約法不再滋擾復經唐翼祖等飭令鎗皮飲血具結造冊分賞布匹鹽酒道令回寨各安住牧此又西北各夷次第就擒竄遠夷務一律肅清之情形也竊維治夷之方自古無窮兵盡滅之理然犬羊之性畏威而不慕德若非先示以威使其懾服則撫局終不可恃同治光緒年間先後剿辦各夷惟勒察未受懲創馴致十餘年來噶張日甚竟敢誘殺官軍又復恃其凶頑侵犯內境今幸賴 天威將士用命團練土職亦皆敵愾輸誠卒使勢面傾心南人不反而兵不外募師不逾期用力之紆戢事之速誠非才初念所及此後

地方文武再能力圖善後駕馭得宜寧屬海陸可期安謐所有在事出力人員轉職於冰天雪地之中奮身於瘴霧蠻烟之處勞苦艱難較之尋常軍務尤爲出力合無籲懇 天恩俯准擇尤開單保獎以昭激勸其先後打仗傷亡勇丁容俟查明名數造冊送部照例請卹得 旨著准其擇尤酌保數員毋許冒濫

○己巳李鴻章奏 欽奉 恩命考察商務自以鼓舞華商開通海外諸埠爲入手要義茲查廣東地接南洋中外輻輳工藝精巧惟山多田少入戶藉藉土產米穀不敷民食每賴安南暹羅洋米及鎮江蕪湖米商源源接濟而香山增城所產絲苗銀粘等項土色細米轉以運出外洋舊金山等埠爲粵民食用以爲易賊以少易多因而惠濟貧民養育黎庶是以欲振商務必先力顧民食欲厚民生必先整飭米政現擬廣東省城開設商務總局即委廣東布政使丁體常按察使吳引孫總理局務先將各埠運入之米查勘豐歉以劑價值之平次核轉輸以節舟車之費又招集米商分設棧店以時審覈酌中定價嚴禁居奇壟斷而運出之米仍照前督丁張之洞奏定之案每年以五十萬石爲額每石抽微出口經費洋銀一圓准商棧領照承運仍派九龍拱北兩關稅務司認真稽徵以杜弊混米政既舉然後將絲茶百貨器用服物等事逐件推行務期土貨外銷利權漸挽惟是振興商務事緒紛繁兩司政務孔殷祇能舉其大綱勢難詳其條目查有 旨交 臣差遣道員劉學訓籍隸本省熟悉商情又已革候補道王存善仕粵多年

精明幹練情形亦熟均堪派令會辦局務俾專政成得 旨如所議行

夏四月壬申朔時享 太廟遣儀衛恭代行禮○唐炯奏准戶部咨以戶工兩局現在鼓鑄當十大錢

其發鑄銅片係按照每月兩卯制錢之數行令懷遵上月十四日 硃諭將勸公司設法趕辦儘數運京

不得稍涉延誤等因奏奉 諭旨依議欽此欽遵查行到滬伏查市面請破格加價於上年十一月二十

六日接准部咨仰蒙 恩允當經出示曉諭現在商民呈報開採難屬踴躍而其見效遲速大小尚難豫

料當此京局需銅孔多等何敢稍涉延誤竊以滇省代鑄制錢運京原以一切用費無甚出入本年銅

片加價以二十兩價值之銅代鑄制錢較之京餉當十大錢兩相較計出入甚鉅殊不合算自應移緩就

急將滇省鼓鑄停止下戶部知之○丁甘肅祥亨充大阿哥清文詣達○袁世凱奏市遵 旨籌餉練兵

業將酌擬辦法專摺具陳內有聲明運司擬辦鹽斤加課一款其辦加辦法自應詳晰具陳伏查東綱引

地局辦南北運每年約領引三四萬道商辦南北運每年約領引十七八萬道票地官商每年約共領票

十一萬餘張統計每年約領引票三十七八萬左右北運鹽包每包例重二百二十斤南運鹽包每包例

重三百二十五斤光緒二十三年升任撫臣李秉衡以運庫入不敷出設法摺注會經奏請加課加耗其

法每引票一張加課銀一錢每包加耗鹽三十斤每年增銀三萬數千兩今已行之三年尚無流弊此次

練兵籌餉由司道通籌而運庫無可騰挪因擬仍照二十三年加課辦法每引票一張再加課銀一錢以通綱官商南北各運共引票三十七八萬左右計之約可加銀二萬數千兩每年加收一次於餉源不無小補惟商情夙累今復力益難支並請援案加耗由司擬議自光緒二十六年起每引票一張加課一錢每鹽一包除例重並光緒二十三年已加耗三十斤外再加耗十斤除南運局辦河南九州縣加價係屬實加於民宿滿銅山三壩向未加價今擬仍援上屆成案暫免加課卽毋庸加耗外其向無加價引地北運之豐單南運之豐浦蕭楊崇地之關部邑日昌等十二州縣均一律加課加耗以免兩歧外議於進關時加免票課於出庫時全完一俟庫款充裕即請停止等情據鹽運使豐紳泰詳請奏咨前來臣查餉源所在不外地丁鹽漕丁漕餘已於前摺細提解今該司所議加課亦仍以鹽助餉之義且寬予加耗更屬無礙商民原辦各款現已奉旨照擬舉辦下戶部知之○戊寅諭黃槐森奏故員虧短交代銀兩請革職監追一摺廣西已故前任恩思縣知縣孫家交代案內短欠歷年丁耗米折等款銀一千一百兩零節經飭追該故員家屬並不完解潛行回籍以屬贍玩孫家著卽行革職并著順天府府尹飭屬該員原籍家產查封備抵將家屬解往廣西究追以重庫款○己卯諭前據李秉衡奏參良弼辦理西流水墾務溢佔多園希冀罔利並經辦大小各員均各舞弊情形又據御史劉家模奏參良弼縱容

革員飲法侵蝕先後諭令增祺確查茲據查明覆奏盛京園場舊時封禁之區池禁招墾原爲籌餉養民之計夏弼旣爲疆務大臣宜如何精白乃心妥籌經理乃辦理全無章法並將朱朱胡一團自行佔領九十餘方以致善泰擅權舞弊各委員均包留地段既將東流水溢佔多園招墾毫無就緒奏報亦復不符實屬徇情營私辜恩瀆職降調盛京戶部侍郎夏弼著卽革職永不敘用所有奉天疆務著派清銳接辦務須澈底清濬將應辦一切章程與增祺妥爲籌商奏明辦理並將夏弼佔領地段悉數撤出歸公另行招墾已革筆帖式善泰舞弊多端聲名狼藉仍著將應追之款勒限嚴追俟繳清後再行按律嚴議奏明請旨員外郎錫齡阿既查無佔地確據應暫毋庸置議倘日後發覺仍著隨時據實嚴參均毋庸輕縱餘著照所議辦理○辛巳以李廷鑑爲山西布政使升允爲山西按察使○壬午當雪大祀 天於 闕丘遣溥靜恭代行禮○癸未以聯元爲內閣學士○諭軍機大臣等前因盛宣懷等籌議加稅一事據戶部總理各國事務衙門會奏各督撫限一月內查議覆奏洋貨稅釐併徵其緊要關稅總須先將洋貨釐金查明每年實收若干與關稅增收之數兩相比較縝細不難立見著該督撫迅將前三屆實收洋貨釐金數目確切查明先行電奏仍遵前旨將加稅詳細情形按限據實奏覆勿得遷延觀望致誤開議限期是爲至要○甲申辭山薩保奏緝辦治東枕青山萬壑千巖道逃淵藪屬地有緞山包爲馬賊所從

出入門徑也前任將軍依克唐阿駐以鎮邊下游一軍創辦屯田藉防山險並經前任齊齊哈爾副都統增祺清丈地畝親往勘查旋值甲午軍興依克唐阿調隊出征此事遂廢是時增祺護理將軍印務飭北團林子滿蒙漢旗丁一千二百戶前往開墾一面按餉徵收經費一面飭派委佐領依克錦巴圖帶同各旗領催督課耕作無如賊出不時人難安業轉瞬屆限弗能取熟升科而各該旗丁仰思 朝廷養之恩深恐租賦久懸擬求安設官兵以資彈護又以俸餉無出甘願籌捐銀兩以供度支除俟熟升科再將官兵俸餉照例於地租項下作正開支外其未升科之前五年一律歸該旗丁公同捐繳作為報効由委佐領依克錦巴圖稟經前任將軍恩澤酌核擬辦未及其委因病出缺奴才 壽山到任該委佐領復申前請當飭各司公議合以該處已放旗荒三萬六千餘畝熟之後尚可批旗茲因屢被匪擾未能運其成效自須設法補救永奠厥居各等情奴才伏思設官所以保民未有民欲得官而不為之建設者况又情急勢迫至為報効俸餉之請於此因勢利導使各盡力農功將見不數年間有地皆耕無荒不熟不猶租賦有益且地闢則民聚民聚則馬賊自不敢出其途是於綏化呼蘭一帶地方亦有裨益合無仰懇 天恩俯准添設協領一員佐領四員滿洲防禦二員分部騎校四員領催十六名由領催內挑放委官四員又協領衙門添設辦事之無品級筆帖式四員委筆帖式四員佐理案牘以該處在綏化界內去通

竹尚有開陽故改歸綏關核計所添官兵每年應需餉銀六千四百七十餘兩五年併計共需銀三萬二千三百七十餘兩現在此項銀兩業經各旗戶如數捐儲山北四林子委協領穆清額委佐領依克錦巴圖博報到案其興修衙門經費亦經該處一併籌出毋庸另請公款惟是初設五年之餉既係自力籌納爲數甚鉅自應請 予恩施擬將以上所設官缺卽作該一千二百戶內滿蒙漢專缺用昭獎勵如蒙 俞允該處應升員弁職分皆小不能按級選拔擬俱先行試用一年試用年滿如有成效再行咨送引見授爲官缺以重名器其餘一切未盡事宜嗣後體察情形隨時奏明辦理下吏部戶部知之○乙酉命許應驥兼管福建船政事宜善聯著毋庸兼管○戊子諭軍機大臣等邵積誠電奏據興鎮總兵蔣宗漢等咨稱廣西西隆州城於四月初一日被游匪攔入與賊境僅隔一河等語著黃槐森迅卽派撥得力將弁前往剿辦務期旬日撲滅毋任盤踞蔓延仍將現在情形迅速電奏○端方奏奴才於光緒二十六年二月十七日承准軍機大臣字寄二月初六日奉 上諭練兵爲當今最急之務縱令各省認真訓練勒限具奏並聽候次第調取來京閱看旋經各省督陸續覆奏現在時局艱難餉需支絀縱本能多練大枝勁旅誠能就現有各營勒加訓練精益求精自足以備緩急之用著各省將軍督撫體道前行加緊訓練本年入秋以後除遼省另有派員校閱外其餘各省定當次第調取來京遂加閱看儻所

練各營陣法技勇並無起色定惟該將軍督撫是問將此各諭令知之欽此遵 旨寄信前來仰見 皇太后 皇上建威銷萌整軍經武 廟謨深遠欽佩莫名伏惟時局日艱練兵最爲先著而因敵爲用洋操尤屬要圖陝省改練十三旗哨經撫 魏光燾及奴才先後縷陳在案當此改弦更張之始苟非痛除積弊竊立始基勢必徒興虛名仍無實用撫 魏光燾於兵事閱歷最深陝軍教練章程一一經其手訂且各軍領多劉錦棠馮部其上者頗有忠義奮發之氣其次者亦不忘廉恥自厲之懷奴才猶恐日久生懈復經繕發簡明教誡若干條重申禁約或指示兵家要旨或力斥軍營積習而尤爲諄諄致戒者則在禁虛伍履剋扣兩端節經奴才隨時點驗將加訪查尙無此種弊習前次調江甯陸師學堂高材生數名分撥各旗以資教練更復不時親加校閱或優予賞拔以示鼓勵或立予降黜以示懲儆或分操以觀其技藝之正變或試爲主客攻守之勢以察其布置之疏密雖未能遽臻精詣而步趨準則漸有可觀誠能持久罔懈精益求精不難由門徑以窺堂奧近奉次第調閱 諭旨秦中將士益復爭自濯磨感奮圖效至中操本各營旗所素習亦當抽暇演習勿任生疏期於相輔爲用隨時查閱其刀牌矛桿縱跳擊刺諸技頗稱嫺熟均未拋荒其未能改練洋操之馬步各營旗分紮南北山及郊隴要衝林徑嚴飭認真操防並不時派員密查期免日久弊生以屬責成而備緩急得 旨知道了仍著隨時認真訓練毋得日久

懈弛○黃槐森奏臣准軍機大臣字寄光緒二十六年正月二十一日奉 上諭黃槐森奏通判捕匪遇
害調營剿辦一摺廣西那馬通判譚賜禔匪訊押匪首黃大糾黨奪械該通判倉卒抵禦被戕實堪憫制
著加恩照陣亡例從優議卹惟首匪黃大未獲仍著嚴飭捕獲究辦廣西伏莽素多仰飭地方
文武不時實力清查巡緝以杜亂萌而清邊徼欽此○伏思廣西伏莽素多仰飭地方文武嚴行緝捕獲
犯懲辦不少邊徼地方土司苗徭雜處風氣浮囂最易句聚為匪雖經力加保甲藉以清查而土屬苗徭
之地多係種山椎魯之民山險路歧出沒無可蹤跡每有聚眾擾害一經派營剿捕逃散不知所往是隨
時拿辦總難淨盡正擬遴員清查適據署左江道何燦章電稟思泗城等府屬均有匪徒勾集冀圖起
事皆經臣調撥防營並電商提臣蘇元春就近酌派營勇分途緝捕旋准蘇元春電覆已飭前進當不
難克期殲除但恐勇至賊散勇退匪又復聚必須遴委明幹之員前詣督率地方妥為查辦以除癰患查
有道員用候補知府全文炳熟悉廣西情形堪以派委○上年招募練武營原備各屬有事作為遊擊之
師即撥交該員全文炳管帶並酌帶隨員馳往思恩泗城一帶順道赴柳州慶遠南甯百色各府屬等處
統率各該處防營會商該府屬州縣詳察匪聚情形聯合各防營會剿匪散各屬分防地方嚴查搜捕並
由臣電商滇黔省督撫臣派營在交界處所扼要堵截務將首要各匪悉獲懲辦一面督率各地方官再

將保甲團練事宜認真整頓得 旨知道了卽著將飭全文炳等認真防剿毋敢匪蹤而消隱患○己丑
賜載瀾第五子名溥信○庚寅西藏辦事大臣文海卒照尙書例賜卹並賞其子成楷以主事用○辛卯
以恩隆爲熱河正總管○丁酉召譚鍾麟來京以李鴻章爲兩廣總督○以徐曾澄爲工部尙書吳廷芬
爲都察院左都御史○工部尙書徐樹銘卒賜卹如例○戊戌以成章署禮部右侍郎李端過爲工部右
侍郎兼署禮部右侍郎調華金壽爲戶部右侍郎○是月比利時國新簡駐華使臣姚士登抵任

臣朱壽朋敬編

臣張毓英恭校

五月辛丑朔增祺奏鳳凰廳船隻安東沿海一帶島嶼羅列港汊紛歧素稱盜窟淵藪商船來往劫掠頻聞而安東之大東溝一鎮帆船林立尤爲商賈輻輳之區每屆木牌下運驟添二三十萬人東邊稅務恃爲大宗東衛杉船出入貨物亦由大孤山莊河等處駛往海道之通塞實餉源衰旺之所關上年春間海盜猖獗擄有大礮快鎗商船不能對敵搶掠一空海面梗塞經署安東縣知縣秋桐孚東邊道榮森先後稟經前護將軍文興等電飭泰字前軍統領林長青雇駕民船前往獲賊多名並咨商北洋派飛雲鎮海兵輪在東溝沙河孤山花園一帶往來梭巡奴才蒞任深慮海氛未靖秋稅攸關閩碧流河素爲賊窩夥黨衆多隨飛飭林長青迅雇民船出海巡查無如海口毗連此拿彼竄十一月莊河一帶復有賊船時出搶劫當經一面飭由交涉局照會俄官一體協拿一面札飭東邊道榮森稅局總辦德麟就近體察情形妥爲籌議茲據稟稱查東邊海口以安東之沙河東溝爲最要鳳凰之龍王廟北井子岫巖之大孤山青堆子等處亦爲商船停泊之所綿延數百里水陸交通島嶼極多上年雖有北洋兵輪巡緝只能於洋面

游擊大股海盜其支港紛歧勢難深入陸路營隊僅能防範內口時或聞警必須雇募民船配設敵位操辦未就賊已遠颺今欲設緝捕非添設水師合力兜拿難期得力惟海面遼闊若船隻過少猶恐不敷分布擬於沙河大孤山太平溝三大口岸每處各設大船一隻小船一隻內江外海均可兼顧所需兵丁即在陸路防營酌撥毋庸另籌款項以節糜費等情會議請核前來奴才查奉省餉源實以東邊稅釐爲一大進款現當盜賊出沒無常輪船不能駛遠陸兵不能涉洋非趕緊添設水師嚴密巡緝設一旦海道阻滯商船不前關繫匪淺現已批飭先行造船六隻尅日購料開工據電稟約估銀五千餘兩第船隻造成尙需時日刻值開河商旅暢行亟宜先籌保衛已飭統帶林長青暫雇民船數隻出洋巡查一俟船隻造成卽行撥兵在沙河等處常川駐紮輪流梭巡俾於捕務稅捐均有裨益得 旨著照所請該部知道○壬寅諭邇來近畿一帶鄉民練習拳勇良莠混雜深恐別滋事端迭經諭令京外各衙門嚴行禁止近聞多有游勇會匪涇跡其闖借端肆擾甚至戕殺武員燒燬電桿鐵路似此恣不畏法實與亂民何異著派出之統兵大員及地方文武迅卽嚴拿匪首解散餘從儻敢列仗抗拒應卽相機剿辦以昭炯戒現在人心浮動遇事生風所有教堂教民地方官均應切實保護俾獲安全而弭禍變○癸卯諭昨因拳匪滋事業經明降諭旨分別辦理此等鄉愚良莠不齊其辦法不外乎嚴拿首要解散餘從現在直隸及附近京

城一帶到處人心浮動若不迅速嚴辦何以杜邪慝而淨根株若步軍統領衙門順天府五城直隸總督嚴飭各該地方官並統帶各員如拳匪中實係滋擾地方甘心爲亂者卽當合力捕拿嚴行懲辦不得互相推諉如再因循定惟崇禮等是問決不寬貸其有隨聲附和並無滋擾實跡者亦應切切曉諭立時解散毋任再起釁端○命王文韶爲國史館副總裁○戊申以何乃馨爲都察院左副都御史○己酉以王培佑爲順天府府尹○庚戌諭西人傳教中國原有年所該教士無非勸人爲善而教民等亦從無恃教滋事故民教均各相安各行其道近來各省教堂林立教民繁多遂有不逞之徒濶跡其間教士亦難徧查優劣而該匪徒藉入教爲名欺壓平民武斷鄉曲諒亦非該教士所願至義和拳匪在嘉慶年間亦曾中禁近因其練藝保身守護鄉里並未滋生事端是以明降諭旨飭令各地方官妥速彈壓無論其會不會但論其匪不匪如有藉端滋事卽應嚴拿懲辦是教民拳民均爲國家赤子朝廷一視同仁不分教會卽有民教因案涉訟亦會諭令各地方官持平辦理乃近來各府屬州縣積習相沿因循玩愒平日既未能聯聯教士又不能體恤民情遇有民教交涉竟未能悉心考察妥速辦理致使積怨已深民教成仇遂有拳民以仇教爲名倡立團會再有奸民會匪附入其中藉端滋擾拆毀鐵路焚燒教堂夫鐵路原係國家所造教堂亦係教士教民所居烏得任意焚燬是該國民等且與國家爲難實出情理之外昨已簡派

順天府尹軍機大臣趙舒翹前往宣旨曉諭該團民等應即遵有一體解散各安生業倘有好民會匪
從中惡惡煽惑會圍擾害地方該團即行交出首犯按律懲辦如再執迷不悟即係莠民一經大兵剿捕
勢必父母妻子離散家破身亡仍負不忠不義之名後悔無及朝廷深為吾民惜也經此次宣諭之後如
仍不悛改即著大學士榮祿分飭董福祥宋慶馬玉崑督率所部實力剿捕仍以分別首從解散務從爲
要至派出隊伍原所以保衛地方乃聞直隸所派之軍不但未能保護彈壓且有騷擾地方情事即著直
隸總督裕祿嚴行查訪倘有不肖營哨各官不能嚴束勇丁即以軍法從事決不寬貸此旨即著刊刻騰
黃曉諭軍民人等一體知之○辛亥河南南陽鎮總兵張銘新卒賜卹如提督例戰績交國史館立傳○
以姚旺爲河南南陽鎮總兵○壬子諭前因近畿一帶拳民藉端滋事人心浮動疊經諭令嚴行查辦乃
近來京城地面往往有無賴之徒三五成羣執持刀械游行街市聚散無常若不即行嚴禁實屬不成事
體步軍統領衙門順天府五城均有緝捕匪徒稽察地方之責豈容此類廢聚輩紛紛擾擾搖惑人心
除諭飭管理神機營虎神營王大臣將所部弁兵全行駐廠並遴派馬步隊伍各按地段晝夜梭巡倘有
匪徒聚衆生事即行拿辦並廣成步軍統領衙門順天府五城嚴飭該營員弁兵役人等各分汛地嚴密
巡查遇有形跡可疑及結黨持械造言生事之人立即嚴拿懲辦勿稍疏縱以消亂萌而靖地方○癸丑

上奉 慈禧端佑康頤昭豫莊誠壽恭欽獻崇熙皇太后由頤和園還海○以李金彪爲長江水師湖

口鎮總兵○諭李秉衡奏特參長江水師將領請旨懲儆一摺湖口鎮總兵許雲嘯嗜好荒廢弛營務湖口水師中軍游擊黎受田罔利朋比兵民怨咨均著卽行革職另片奏保舉總兵副將等語漢陽鎮水師總兵周芳明瓜州鎮水師總兵高光効江陰協副將李金彪既據李秉衡奏稱皆屬可用之才均著傳旨嘉獎以示鼓勵餘著照所議辦理○丁振鐸奏滇省地居邊徼作黔蜀之屏蔽據江楚之上游論形勝者皆以滇爲大局所關繫近因強鄰環伺時事艱難 朝廷明詔屢宣日以整軍經武爲急務防車之外飭令加練團勇以備緩急 肅膺疆寄具有天良當此臥薪嘗膽之時敢不仰體 宸謨竭力籌辦擬於到任後卽會同督臣崧蕃先將各處防營團練分別認真整頓復於省城創設團營西南騰越臨安兩路現亦次第委員前往接續舉辦並經督臣另奏奏准於礦庫溢課項下自光緒二十五年起除先提銀三萬兩外按年提銀一萬兩翼購鎗礮蓋以籌邊務在練兵練兵貴先儲械儲械於今日尤以鎗礮爲要圖現在滇省辦理邊防創設團營及各府屬州縣舉辦團練所需各項鎗礮爲數甚鉅每年僅以萬金購辦已屬難敷撥給况鎗礮所需者紙碼有鎗礮而不能精製紙碼則鎗礮省而鎗礮廢紙碼所藉者靈機有紙碼而不能預儲良工則靈機敗而鎗亦廢火攻有五器非一端凡焚壘之藥球炸彈守險之礮臺旱雷

無一不富利器亦無一不與鎗礮爲緣並以一用爲計如有隨鎗礮以俱備而爲戰陣所不可缺者尤非
每年萬金所能敷用明知原案實因餉源奇絀不得不逐漸勻挪然與其按年而計積少仍復成多何如
并且以圖先難可期速獲督同司道反復商酌查鹽庫溢課一項本近年力爲掣頓所致不在正課定
額之內以減民力輸之所餘仍以應滇省邊防之要此款之不假外求者故前請留津備邊防禦部議
得邀允准溢課按年所入因盈絀難預定即現計遞年餘積爲數亦不爲多然事員先其所急若以之專
備製購鎗礮就目前所論似尙可勉敷挹注應請仍照原奏先提三萬兩之數再將續提一萬兩合并在
內按年通計作爲專款計自二十六年起每年於鹽庫溢課項下提銀八萬兩製購鎗礮軍火各項以裨
軍實而固邊防下部知之○甲寅諭端郡王載瀾著管理各國事務衙門禮部尙書啟秀工部右侍郎溥
興內閣學士兼禮部侍郎銜那桐均著在總理各國事務衙門大臣上行走現在時事艱難該王大臣等
務當殫心任事以副委任不准固辭○諭廖壽恆著毋庸在總理各國事務衙門行走○以勞勲爲馬蘭
館總兵兼總管內務府大臣○乙卯日本使館書記官杉山彬被賊○以景澧爲刑部左侍郎那桐爲理
藩院左侍郎○丁巳諭十五日永定門外有日本書記官杉山彬被匪徒戕害之事聞之實深惋惜各國
人員在京不應隨時保護現在匪徒蠢起尤宜加意嚴防迭經諭令各地方官嚴緝巡緝妥爲保護奏止

三令五甲乃肇轍之下竟有日本書記被害之事該地方文武既未能先事預防兇犯亦未經拿獲實屬不成事體著各該衙門上緊勒限嚴拿兇犯務獲懲辦如逾限不獲定即嚴行懲究○諭近來畿輔一帶拳匪滋事擾及京城地方迭經明降諭旨諭令解散並飭京營及近畿各軍分投妥為彈壓乃近日焚殺之案仍復層見迭出奸匪造作謠言借仇教為名擾及良善於朝廷禁令視若弁髦無論結黨橫行戕殺有賊即使偽託良民冒稱帶義試向自來立國之道有縱容亂民藉以自固者乎況現經拿拿拳民結黨竄有游勇會匪混跡其間肆行搶劫昨諭令剛毅趙舒翹等馳赴良鄉涿州等處宣布朝廷德意其安分拳民業已具結焚殺之案顯係亂匪所為朝廷僅論其滋事與否以為良莠之分此等匪徒自應嚴加懲辦不容再事姑容著宋慶速飭馬玉崑炮日帶兵馳赴近畿一帶沿途實力剿捕仍著以嚴拿首犯解散脅從為要義派出各軍務宜嚴申紀律不准藉端滋擾以清奸宄而安良善將此通諭知之○己未命宋慶拔隊赴天津剿辦拳匪○諭昨因拳匪滋擾京城會諭令步軍統領衙門嚴拿首要認真梭巡前拿獲造言生事喧譁惑眾之犯業交刑部正法乃昨日夜間城內各處焚燒如蒿且有奸宄從中煽惑竟敢明目張膽沿途喊殺持械尋仇致有殺害情事官兵任其稍懈城門由具出入人心一夕數驚居民不得安業嚴殺之下擾亂至於此極若再不嚴行懲辦為禍不堪設想著步軍統領分飭各地方官兵並著神機

營虎神營各派馬步隊伍並添派武衛中軍弁兵會同彈壓加意梭巡遇有持械喊殺之犯立即拿獲送交提督衙門卽行正法勒限將首要各犯迅卽拿獲不准再事姑息其僅止附和脅從等犯應飭立刻解散其城內設立壇棚應盡行拆去並派載瀛奕劻溥良載卓巡查街巷遇有隊伍緝捕不力隨時稽查參辦至各城門啟閉出入尤宜加意慎重著派崇勳載瀛曹深伊立布克蒙額英信松鶴色普徵額德雲分往九門稽查啟閉出入九城以外著五城御史一體認真查辦責成中城御史陳璧倡率辦理並著派慶親王奕劻端郡王載漪貝勒載瀛大學士榮祿督飭派出各員及馬步各營並地方文武實力遵行如有疎懈貽誤卽行據實嚴參○庚申電 召巡閱長江水師大臣李秉衡來京○辛酉英俄德法美意奧日本聯軍攻大沽礮臺據之○諭近因民教尋仇匪徒乘機燒搶京城內外擾亂已極著各省督撫迅速挑選馬步隊伍就地地方兵力酌派得力將弁統帶數營晝夜馳赴京師聽候調用根本之地情形急迫勿得刻延將此由六百里加緊各諭令知之○諭五城御史文琛等奏京城地面情形日亟請安民心而弭禍變一摺著派李端遇王赫榮爲京師團練大臣會同五城御史督率弁兵嚴密稽查加意巡邏城門出入亦按時啟閉以靖閭閻○諭近因民教尋仇訛言四起匪徒乘亂燒搶迭出所有各國使館理應認真保護著榮祿迅派武衛中軍得力隊伍卽日前往東交民巷一帶將各使館實力保衛不得稍有疎

虞如使館眷屬人等有願暫行赴津原應沿途一體保護惟現在鐵路未通若由陸道行防慮恐難周妥應仍照常安居俟鐵路修復再行查看情形分別辦理○壬戌電 諭李鴻章迅速來京兩廣總督著德壽兼署○癸亥諭現在京師糧價昂貴錢店紛紛關閉商民交困亟應設法維持著戶部將京城旗綠各營兵丁六七兩箇月應領錢糧一併預先放給並先發給三箇月兵米用示體恤而資周轉至現錢短少市面未能流通並著戶工兩局趕緊加卯鼓鑄分別搭放總期使民利用以滿閭閻○諭昨因銀號爐房被焚以致寶銀無從周轉錢店紛紛歇業當經諭令步軍統領衙門等示諭各商酌中定價設法流通現聞恆和等銀號亦暫閉門該號等開設有年素稱信實官民與之交往者甚多一經關閉貽累殊非淺鮮著步軍統領衙門傳集四恆等號商人剴切曉諭應令速籌照常開設如因票存過多慮及銀錢短絀一時應付不及並著該衙門示諭市面所有存號零星銀錢票先行陸續開放數目過鉅票存一俟爐房復業周轉從容該號等自能隨時應付並由該衙門派弁兵妥為彈壓倘有匪徒藉端搶掠卽行嚴拿從重懲辦以便民用而靖地方○甲子德國駐京使臣克林德被戕

謹案本年十二月二十六日 上諭夏間所頒諭旨首禍諸人乘間矯捏著內閣將五月二十四日以後七月二十四日以前諭旨覺存聽候查明矯捏各旨提出消除恭摺 聖意則知祖拳仇

外之意非出 胡廷即獎匪宣戰之旨皆其僞託故從今日起凡關於戰事者概嚴不錄以昭謹

慎

丙寅夏至大祀 地於 方澤道凱泰恭代行禮○丁卯蘇元春奏奴才前於中途奉銜電 旨有人奏
廣西邊防緊要伏莽亦未淨盡等語廣西提督蘇元春毋庸前往江南仍即日馳回廣西督率各營將防
務認真經理以靖邊疆欽此欽遵當將回防接任日期叩謝 天恩專摺具奏在案伏查廣西統府十一
直隸屬州三以桂平梧鬱柳慶思潯七府一州爲內地以南太泗鎮及上思歸順四府二屬州爲邊地自
南寧而上又分左右兩江一由百色至鎮安泗城興雲貴邊地毗連一由太平至龍州歸順與越南諷山
牧馬交界而慶遠柳州太平泗城鎮安上思歸順等府州均設土司土屬遼闊僻處林密山峻邊地游士
各匪劫殺攻掠出沒其間上年撫臣黃槐森商同奴才由邊撥營前往剿辦熟著勦擒所以伏莽未能淨
盡者以邊防三關百隘及沿邊礮臺對汛皆須隊伍分節隨時轉撥二三營往剿舉平仍撤回防次未能
常年駐紮其內地防營無多實有鞭長莫及之慮游以土爲巢穴土以游爲護符兵民匪兵撤匪來此
游土之所以遺孽也自撫臣黃槐森創立水陸隊伍保商之法滇省煙質之往來右江者得以竊安惟自
去歲入冬後土民旬同游匪拜疊入會機劫右江各處雜貨商船及陸路貨擔又有思恩通判捕匪被戕

之案亦經黃槐霖電知馬盛治派副將黃雲高分隊查捕獲犯懲辦奴才道經南甯各商董聯名稟請派兵剿辦游士各匪否則咸識收莊若煙商歇業百色龍州市面蕭條稅釐無著省會邊防關繫甚大去秋在都祇奉 諭旨准徐練兵飭挑得力營員酌帶隊伍前赴淮徐一帶訓練當時面商大學士榮祿於邊防挑選精銳十營帶往另招補足原額在廣州邊勘界時又奉 旨飭給武衛先鋒軍關防調募成軍當電囑馬盛治即日遵辦幸接馬盛治回電區舊補新業已招齊正副十營預備調往署右江鎮陳桂林亦請郵事於臘月率同步隊二營前來南甯候遣現罷江南之行奴才業已回防經理自應將備往江南各營籌畫遣惟值游士滋擾道路不靖頃據泗州府王乃賓來電民情驚擾請撥隊伍彈壓著左江道何耀章來電白色恩降河道梗塞奉議州境又有土匪數百匪勢已成速請撥營援剿查各府均有教堂當此匪勢初起之時若不迅速撲滅則將來地方受其蹂躪更或釀成教案愈難辦理奴才已飭陳桂林分撥隊伍於南甯屬之陸安果化下顏等處沿河駐劄保護商船然欲剿洗匪類淨絕根株計非十營隊伍不收調用邊防勇丁一萬祇能抽調四五營前往現將備往江南十營擇有籍可以安業者裁去五營其餘五營擬請暫留合之邊防抽撥之五營共成十營作為剿辦各處游士各匪之軍奴才尤恐未經親歷行間軍事拖延並擬親率前往督飭一面商定撫臣嚴札地方官清查保甲庶匪徒無從託足數月之後

稍有頭緒仍卽回防再飭各營扼要分割逐漸搜剔一年之後可期肅清其暫留之五營無須照江南大口糧按邊營餉章每年五營之餉祇須十萬兩前在江南所領餉項足支至本年三月底以後暫留五營之餉需無出合無仰懇 聖恩於廣東兩江等省飭撥十萬兩協濟備邀 俞允奴才卽當遵率隊伍星馳前往督率剿辦匪情如何仍當隨時奏報以紓 宸廑一年之後倘協餉支絀再行奏請酌裁緣精銳不易招集此時若概予遣散不獨剿撫游土行匪兵力未足且恐散而爲患竊寇真盜也目前匪焰熾張必須兼籌內外安戢之方未雨綢繆多一兵得一兵之力斷不敢據飾虛糜尤不敢含默貽誤得 旨知道了所需餉項著戶部妥籌撥給○諭軍機大臣等李鴻章李秉衡等會電均悉此次之變事機雜出均非意料所及朝廷慎重邦交從不肯輕於開釁奏冊中外強弱情形亦不待智者而後知團民在肇釁之下仇教焚殺正在剿撫兩難之際而二十日各國兵艦已在大沽力索砲臺限二十一日二點鐘交付羅榮光未肯應允次日彼卽開砲轟擊羅榮光不得不開砲還擊相持竟日遂至不守卻非聲自我開現在兵民交攻在京各使館勢甚危迫我仍盡力保護此都中近日情形也大局安危正難逆料爾沿海沿江各督撫惟當懷遠遜次諭旨各盡其職守之所當爲相幾審勢極力辦理是爲至要○庚午諭昨已將團民仇教剿撫兩難及戰聲由各國先開各情節諭知李鴻章李秉衡劉坤一張之洞等矣惟爾各督撫度

勢量力不欲輕開外聲誠老成謀國之道無如此次義和團民之起數月之間京城蔓延已徧其眾不下十數萬自兵民以至王公府第處處皆是同聲與洋教爲仇勢不兩立判之則卽刻禍起肘腋生靈塗炭只可因而用之徐圖挽救奈他信其邪術以保國似不諒朝廷萬不得已之苦衷矣爾各督撫若知內變如此之急必有疑食雜安布聞不置者安肯作此一面語耶爾各督撫勿再延疑觀望迅速籌兵籌餉力保疆土如有疎失惟各該督撫是問將此電諭各督撫將事知之○劉坤一張之洞電令上海道余聯沅與各國駐滬領事議訂東南保護約款九條其文曰一上海道余現奉南洋大臣劉兩湖督憲張電示與各國駐滬領事官會商辦法上海租界各國公同保護長江及蘇杭內地均歸各督撫保護兩不相擾以保全中外商民人命產業爲主二上海租界公同保護章程已另立條款三長江及蘇杭內地各國商民教士產業均歸南洋大臣劉兩湖督憲張允認切實保護並移知各省督撫及嚴飭各該文武官員一體認真保護現已出示禁止謠言嚴拿匪徒四長江內地中國兵力已足使地方安靜各口岸已有各國兵輪者仍照常停泊惟須約束水手人等不可登岸五各國以後如不待中國督撫商允竟至多派兵輪駛入長江等處以致百姓懷疑藉端滋事擾壞洋商教士人命產業事後中國不認賠償六吳淞及長江各礮臺各國兵輪切不可近臺停泊及緊對礮臺之處兵輪水手亦不可在礮臺附近

地方操練彼此免致誤犯 七上海製造局火藥局一帶各國允兵輪勿往遊弋駐泊及派洋兵巡捕前往以期各不相擾此局軍火專為防剿長江內地土匪保護中外商民之用設有督撫提用各國旃旗疑 八內地如有各國洋教士及游歷各洋人遇偏僻未經設防地方切勿冒險前往 九凡租界內一切設法防護之事均須安靜辦理切勿張皇以搖人心

六月壬申電 命江蘇巡撫鹿傳霖迅速來京○奏西諭軍機大臣等此次中外開釁具聞事機紛湊處處不順均非意料所及該大臣等遠隔重洋無由深悉情形固不能向各外部切實聲明達知中國本意特為該大臣等縷晰言之先是直東兩省有一種亂民各就村落練習拳棒雖以神怪地方官失於覺察遂致相煽成風旬月之間幾於遍地皆是甚至滄及京城亦皆視若神奇翕然附和遂有聖點之徒倡為仇教之說五月中旬猝然發難焚燒教堂戕殺教民闔城洶洶勢不可遏當風聲初起之時各國請調洋兵到京保護使館朝廷以時勢頗迫慨然破格許之各國通計到京洋兵不下五百人此中國慎重邦交之明證也各國在京使館平日與地方官尚屬無怨無德而自洋兵入城以後未能專事護館或有時上城放鎗或有時四出巡街以致屢有放鎗傷人之事甚或任意游行幾欲闖入東華門被阻始止於是兵民交憤異口同聲匪徒乘隙橫行燒殺教民益無忌憚各國遂添調洋兵中途為亂黨所殺遂未能前蓋

此時直東兩省之亂黨已鎔成一片不可開交矣朝廷非不欲將此種亂民下令痛剿而肘腋之間操之太促深恐各國使館保護不及激成大禍亦恐直東兩省同時舉事兩省教士教民便無遺類所以不能不踴躍籌顧者以此爾時不得已乃有令各使臣暫避至津之事正在彼此商議間突有德使克林德晨止總署途中被亂民傷害之案德使蓋先日商約赴署該署因中途擾亂未克如期候晤者也自出此案亂民益挾驅虎之勢並譏送使臣赴津之舉亦不便輕率從事矣惟有飭保護使館之兵嚴益加嚴以防倉猝不料五月二十日即有大沽海口洋員面見守臺提督羅榮光索讓礮臺之事謂如不允便當於明日兩點鐘用力佔據羅榮光職守所在豈肯允讓乃次日果先開礮擊臺相持竟日遂至不守自此兵端已啟本非尋自我開且甲國即不自量亦何至與各國同時開釁并何至恃亂民以與各國開釁此意當為各國所深諒以上委曲情形及中國萬不得已而作此因應之處該大臣等將此有詳細向各外部切實聲明遠知中國本意現仍嚴飭帶兵官照前保護使館惟力是視此種亂民設法相機自行懲辦各該大臣在各國遇有交涉事件仍照常辦理不得稍涉觀望將此各電諭知之○諭軍機大臣等李鴻章等奏奏諭暫行停還洋款據實核計請旨遵行一摺據稱洋款若停牽動內地釐金亦礙小民生計轉於餉需有害京餉及北上諸軍餉項無從接濟等語初議停還洋款原因奏濟軍需起見倘各海關如常抽

稅內地盤金亦不短絀卽著照所議查照成案按庶解還歸款用昭大信將此諭知戶部並由六百里諭
令袁世凱卽著該撫轉電李鴻章劉坤一等知之○甲戌諭現各部院衙門當差人員紛紛告假殊屬不
成事體著該堂官查明如未經呈明告假私行出京人員著卽行革職其已經遞呈告假者將來到署銷
假者將各該員前資註銷以示懲儆○丁丑諭軍機大臣等現在事機緊迫李鴻章仍著懷遵前旨迅速
來京毋稍刻延○電 命出使俄國大臣楊儒呈遞 國書其文曰 大清國 大皇帝問大俄國大皇
帝好中國與貴國鄰邦接壤二百數十年來敦睦最先交誼最爲近因民教相仇亂民乘機肆擾各國致
疑朝廷祖民嫉教貴國使臣格爾思曾向總理衙門請速剿亂民以解各國之疑而其時京城內外亂民
蔓延已徧風聲煽播自兵民以及王公府第回聲與洋教爲仇勢不兩立若操之太感既恐各使商保護
不及激成大禍又恐各海口同時舉事益復不可收拾所以不能不躊躇審顧者以此乃各國水師不能
相諒致有攻佔大沽礮臺之事於是兵連禍結時局益形紛擾因思中外論交貴國之與中國絕非尋常
鄰誼可比前年曾授李鴻章爲全權專使立有密約載在盟府今中國爲時勢所迫幾致干犯眾怒排難
解紛不得不惟貴國是賴爲此開誠布臆肫切致書惟望大皇帝設法籌維執牛耳以挽回時局並希惠
示德音不勝激切翹企之至○電 命出使英國大臣羅豐祿呈遞 國書其文曰 大清國 大皇帝

聞大英國大君主兼五印度大后帝好中國與各國通商以來惟貴國始終以商務爲重並無覬覦疆土之意近因民教相仇亂民乘機肆掠各國致疑朝廷祖民嫉教遂有攻佔大沽礮臺之事從此兵連禍結大局益形紛擾因思中國商務貴國實居十之七八關稅既輕於各國例禁亦寬於他邦是以數十年來通商各口之於貴國商民最相浹洽幾如中外一家今以互相猜疑之故時勢一變至此萬一中國竟不能支恐各國中必有思其地大物博爭雄逞志於其間者於貴國以商立國之本意其得失當可想而知現在中國籌兵籌餉應接不暇排難解紛不得不惟貴國是賴爲此開誠布臆肫切致書惟望大君主設法解維執牛耳以挽回時局並希惠示德音不勝激切翹企之至○電 命出使日本國大臣李盛鐸呈遞 國書其文曰 大清國 大皇帝問大日本國大皇帝好中國與貴國相依唇齒敦睦無嫌月前忽有使館書記被戕之舉正深惋惜一面拿兇懲辦聞而各國因民教仇殺致疑朝廷祖民嫉教竟爾攻佔大沽礮臺於是兵衅遂開大局益形紛擾因思中外大勢東西並峙而東方祇我兩國支柱其間彼稱雄西土虎視眈眈著其注意豈獨在中國哉萬一中國不支恐貴國亦難獨立彼此休戚相關而應暫置小嫌共維全局現在中國籌兵籌餉應接不暇排難解紛不得不惟同洲是賴爲此開誠布臆肫切致書惟望大皇帝設法解維執牛耳以挽回時局並希惠示德音不勝激切翹企之至○戊寅諭軍機大臣等前

有旨諭令各省督撫酌派營隊來京聽候調遣著嚴催統帶各員務卽星夜兼程北上毋稍延緩此旨卽著廷杰轉行電寄各省如有電報不通之處卽由該藩司照錄諭旨由六百里加緊分寄各督撫遵照將此由六百里加緊傳諭廷杰知之○己卯諭軍機大臣等御史陳璧奏戰局既開宜速籌糧食一摺著劉坤一於清江浦一帶設立轉運總局委派前福建興泉永道惲祖祁督辦將各處糧食妥籌採買由內地水陸分運到京以資接濟所需腳費准其作正開銷山東山西陝西河南等省並著各該撫派員設局採運其東南各省應行運京軍火器械並著隨時妥速起運應如何設立分局之處卽著該督撫督同派出員妥爲辦理毋稍延誤如惲祖祁未回江蘇其清江總局著劉坤一遴委廉幹之員趕緊遵辦至所請沿江沿海販米出洋及粵省准運上米五萬石出洋並應一併禁止之處著沿江沿海各督撫及廣東巡撫德壽一體嚴禁毋稍寬縱將此由六百里諭令知之○辛巳諭軍機大臣等前迭經諭令李鴻章迅速來京尙未據奏報起程如海道難行卽由陸路兼程北上並將起程日期先行電奏○壬午諭直隸總督李鴻章調補兼充北洋大臣現在天津防務緊要李鴻章未到任以前仍責成裕祿會同宋慶雲籌辦理不計因簡放有人稍涉謬誤○癸未諭軍機大臣等李鴻章已調補直隸總督該督自行的啟如能借坐俄國信船由海道星夜北上尤爲股盼否則卽由陸路兼程前來勿稍刻延是爲至要○我軍與各

國聯軍戰於八里臺礮士成死之○丙戌論現在中外剛鬚各直省軍務倥傯所有本年恩科鄉試如果展緩數月未始不可舉行第恐天氣漸寒各士子情形勞苦且遠省放榜過遲於公車亦多窒礙蓋即展緩至明年三月初八日鄉試八月初八日會試以示體恤各省已放正副考官即著回京供職至庚子正科鄉試及次年會試並著按照年分以次遞推禮部知道○諭軍機大臣等李鴻章前已降旨調補直隸總督著無分水陸兼程來京○以廷為直隸布政使○裕祿奏據武衛前軍馬營中軍王懷慶稟報直隸提督聶士成於本月十三日卯刻在天津南門外八里臺地方督戰陣亡奴才聞信不勝驚愕查該提督自初十日帶隊移紮天津城南海光寺後連日力戰先進據洋人跑馬廳及八里臺一帶焚燒洋樓三座復奪取小營門洋人礮臺業已具報近日接仗情形攔內陳奏十三日丑刻有洋兵大隊來襲該軍駐紮八里臺之隊該提督聞信馳往督戰洋兵四面環擊鎗礮如雨該提督兩體均受礮傷猶督兵不許少退營官宋占標勸令退後將應該提督奮不可遏仍復持刀督戰又被敵鎗洞穿左右兩腮頃側腦門胸下寸許等處復被礮彈炸穿腸出數寸登時陣亡其營官宋占標亦隨同殉難經弁兵等將該提督屍骸奪回奴才接報後當飭該營將其身後事宜妥為料理伏查該提督礮士成秉性忠純勇敢素著其從前剿髮擒各逆並光緒十六年剿平朝陽逆匪二十年中東之役扼守大高嶺迭著戰功久在 聖明洞

緊茲以臨陣捐軀身受重傷死事甚爲慘烈當此軍務方急之際遽失良將莫不同聲悼惜該提督係一品大員應如何賜卹之處出自 鴻慈至該提督所部武衛前軍馬步三十營並現因軍務喫緊在蘆臺添募之兩營刻值戰事方殷未便無所統率應統歸浙江提督馬玉崑總統調遣以資應敵是否有當伏候 聖裁 上諭統帶武衛前軍直隸提督聶士成從前著有戰功訓練士卒亦有方乃此次辦理防剿種種失宜以致參劾實屬有負委任昨降諭旨將提督革職留任以觀後效朝廷出予矜全望其力圖振作藉贖前愆詎意竟於本月十三日督戰陣亡多年講求洋操原期殺敵致果乃竟不堪一試言之殊堪痛恨姑念該提督親臨前敵爲國捐軀尙非退憊者比著開復處分照提督陣亡例賜卹用示朝廷格外施恩策勵戎行之至意○丁亥諭陳飛熊著開缺直隸宣化鎮總兵著何乘澂補授現在軍務喫緊該總兵著卽星馳赴任整頓營伍辦理防務勿稍遷延○各國聯軍攻天津○以周浩爲直隸按察使○戊子各國聯軍占據天津宋慶馬玉崑裕祿退守北倉○已丑以呂本元爲直隸提督姜桂題爲四川重慶鎮總兵○以夏毓秀爲貴州提督程允和爲四川松潘鎮總兵○庚寅諭御史劉家模奏請勸捐助餉現在軍務緊急備調孔股各省紳商食毛踐土當能激發大良毀家紓難著各督撫遴選公正紳耆設法勸辦有能倡捐鉅資者奏請破格優獎其餘按照海防捐例分別獎敘並須妥定章程嚴防弊竇於

饗餉之中仍寓恤民之意是爲主要將此各諭令知之○辛卯諭此次中外釁起於民教之相戾嗣因大沽礮臺被佔以致激成兵端朝廷誼重邦交仍不肯輕於決絕迭經明降諭旨保護使館並諭各省保護教士現在兵事未弭各國商民在中國者甚多均應一律保護各將軍督撫查明各國洋商教士在通商各埠及各府州縣者按照條約均一體認真保護不得稍有疎虞上月日本書記杉山彬被戕正深駭異乃未幾復有德國公使被害之舉該公使駐京辦理交涉遽遭傷害惋惜尤深應仍嚴飭勒拿凶手務獲究辦所有此次天津開戰後除因戰事外其因亂無故被害之洋人教士等及損失物產著順天府直隸總督飭屬分別查明聽候彙案核辦至近日各處土匪亂民焚殺劫掠擾害良民尤屬不成事體著該督撫及各統兵大臣查明實在情形相權判辦以靖亂源將此通諭知之○壬辰諭軍機大臣等袁世凱代奏善聯許應駁請保衛使臣各摺片存核之義不敷行人朝廷辦法亦豈有縱令兵民濫怒公使之理一月以來除德使被亂民戕害現在嚴行查辦外其餘各國使臣朝廷苦心保護幸各無恙惟保護使臣是朝廷之大體設敵兵來犯當同心禦侮以保疆土前經降旨和之一字萬不可存於胸中該將軍等務當懷遵前旨不可稍涉鬆動致誤戰守機宜儼若設會胡言海疆萬一有失定惟該各將軍是問將此由六百里加緊各諭令知之○癸巳命宋慶馬玉崑俗祿恢復天津○諭軍機大臣等李鴻章等奏籲懇救

護各國使臣攔已悉現在各國使臣均平安無恙著李鴻章電致楊儒等轉告各國外外部勿念該督即迅
 速兼程北上毋再刻延仍將啟程日期電聞○甲午喀拉沁扎薩克多羅榜郡王貢桑諾爾布奏奴才於
 光緒二十五年十二月初八日面奉 皇太后懿旨認領練兵務要速成勤旅報効國家等因欽此奴才
 跪聆之下感奮莫名當此時事多艱強鄰逼處蒙古尤為切膚之患奴才世守邊疆受 恩深重敢不殫
 竭血誠力圖報効惟念練兵必先籌餉奴才旗屬自光緒十七年兵燹之後艱苦異常又值國家庫款支
 絀之際速請籌撥殊屬不易再四思維惟有就地籌餉一法查奴才旗屬地面內有貨運溝大小槽碾溝
 除虎溝朱家溝板橋子五處金苗甚旺此外熟金礦產尚多若能逐漸開採其利甚厚但資本不輕近來
 華商往往與洋商合股流弊滋多奴才心竊恨恨自當首先禁絕遴委妥員專集華股仍用本地土法將
 各礦次第開採既可養無限之兵民又可收無窮之地利至於商股餘利仍查照京師路礦總局定章按
 一百分提二十五分報効國家可否仰懇 天恩俯念籌款維艱准將奴才旗屬貨運溝等處金礦用上
 法次第開採即將報効一欸留為奴才練兵備需一俟積有成數隨時奏報就餉源之多寡陸續挑練兵
 丁若干認真訓練俾成勁旅無懈則慎防守有事則備征調如蒙 俞允奴才遵即將礦務練兵各事宜
 趕緊籌辦應如何因地因人務求實效之處再行妥議詳細章程續具奏並由奴才分咨該管地方官

查照辦理得旨著照所請該部知道○丁酉電 諭李鴻章現在事機日緊各國使臣亦尙在京迭次
電諭李鴻章兼程來京迄今並無起程確期電奏該督受恩深重尤非諸大臣可比豈能坐視大局艱危
於不顧耶著接奉此旨後無論水陸即刻起程並將起程日期速行電奏○戊戌劉坤一等奏竊查此次
戰事由於匪徒藉口仇教肆行燒殺致釀大患各國亦以剿匪及保護商民教士爲詞調艦增兵合而謀
我軍事既起各省自宜力籌戰守等已將防務嚴密籌備倘彼族前來侵犯即當奮力抵拒不敢稍涉
疎虞竊維 中朝寬大 聖澤如天柔懷遠人無不仁至義盡目前辦法總須將 朝廷萬不得已之苦
衷卽進行不悖之德意切實宣諭庶徒不敢藉端滋擾爲害地方臣等於戰事初起之時卽行出示曉
諭務各相安不必妄生疑慮並接出洋華人電稟請保護各國洋人以免報復情詞極爲迫切等語乘
各領事等來商保護商教之時曾飭江海關道余聯沅與之訂定章程長江一帶及蘇杭內地各國如不
侵犯我當照常保護經各領事電商外部等亦電致各使臣向各國切實聲明德因戕殺使臣頗持異
議嗣因各國牽制遂亦帖然就範恭繹光緒二十六年五月二十九日 諭旨現在各使臣勢甚危迫我
仍盡力保護並飭中等各盡職守所當爲相機審勢竭力辦理六月初三日 寄諭各使臣現仍嚴飭帶
兵官照前保護各國使節惟力是視各該大臣等在各國遇有交涉事件仍照常辦理等因是 朝廷於

天津開仗之洋人則嚴加懲創於未與戰事之洋官商教則曲爲保全威德並施昭如日月等屢次奏請保護各使臣亦以 聖慮之所重時局之所係首在此舉不容稍緩迭准出使大臣楊儒等來電總以保全使臣暨在省之各洋人爲第一要義擬懇 天恩飭下在京得力各軍保護各國使臣正所以自保使臣并請 飭令各省督撫保護在華洋人正所以保在洋華民不勝急迫之至 上諭軍機大臣等劉坤一等奏相機籌勢妥籌辦法一摺朝廷本意原不欲輕開邊釁曾致書各國並電諭各疆臣復屢次明降諭旨以保護使臣及各口岸商民爲盡其在我之責與該督等意見正復相同現幸各國使臣除克林德外餘俱平安無恙目前並賜各使館蔬菜食物以示體恤如各國恃其兵力進犯各省自應保守疆土竭力抵禦即使目前相安無事亦必嚴密籌備以防意外之變惟總不欲兵燹自我而開一面將坦懷相與之意宣示各國使館共籌補救之方以維大局不得輕信浮言致多齟齬是爲至要將此由六百里加緊各諭令知之○己亥李鴻章奏 諭旨於五月二十二日欽奉電傳 諭旨飭令迅速來京兩廣總督著德壽兼籌等因欽此 遵即電詢商輪船日航海前進比及船到而大沽礮臺已被佔踞秦王島口又有俄人在彼進兵海道梗阻商輪難行迭得電報知畿南徧地皆匪臣隻身赴 闕勢不能進而廣東紳民又因人心驚惶紛稟暫留鎮撫各國領事來函亦以 臣在任則中外相安 臣去粵當自籌保衛爲請彼時人

心浮動互積猜疑若使布置稍疏誠恐倉卒擾亂又蹈近畿覆轍是以五次電奏均請先清內匪再退外
兵臣乃稍緩須臾與撫提司道諸臣妥籌布置旋奉練兵添餉之旨臣查廣東自經剛毅搜括以後外
銷之款悉數全提正項錢糧理應接濟京師分毫未可擅動其所辦包釐名雖四百萬實則預繳之一
百萬兩僅據繳到七成尙餘三十萬兩屢限屢延至今尙未措解而自六月初一日商人開辦之後籌設
廠卡悉數撤銷轉將每月原有餉源二十萬一時涸絕臣前此奏摺內已兩次陳明近日情形籌餉較
備兵尤亟然一切開源節流諸政均非巨擘可行惟粵俗尙有小關姓一項曾由總理各國事務衙門飭
令酌辦前督撫臣力阻其行即臣到任之初亦經嚴辭峻拒第既當無可如何之際惟承充此小關姓有
商人盧華宮願繳歲餉銀八十萬元又繳報効銀八十萬元先繳四十萬元其餘歸第一年按季勻繳請
准試辦四年屆滿後再繳報効銀四十萬元請准續辦四年已據繳銀四十萬元藉可極充募勇置械之
用臣當飭記名提督南韶鎮右營游擊鄧潤材添募二營留粵副將王得勝添募一營補用游擊關貴昌
添募一營請補北海鎮中營游擊莫晉積添募四百六十人湊足兩營均於近省要區及牛山等處礮臺
分別屯紮又廣東省城內外市關繁盛人戶殷盈計大小街巷一千六百有奇男女丁口四百五十萬有
奇華洋雜居民教錯出又有宵小盜賊淵跡其間現擬各街分設巡警健勇自數名至十餘名晝夜梭巡

隨時警察責令清查人戶遇有酗酒行兇及身帶火器刀械者立即擒捕平時打掃街道務令整潔驅逐游勇勿令羣聚應用經費由各街舖戶行棧酌抽房捐商令紳董自行經理收支按月榜示數目俾眾周知而以兩司一府兩縣董其成以靖地面而安商旅以上諸事布置已有端倪適於六月十六日欽奉電傳諭旨飭臣仍遵前旨迅速來京等因臣遵卽於二十日將總督關防鑒政印信暨王命旗牌等件移交兼署督臣德壽接收卽於是日卸事遵旨起程由海道運赴上海探明何路堪行卽便趨程北上趨詣闕廷以伸懸系依戀之忱報聞

秋七月癸卯吏部侍郎許景澄太常寺卿袁昶棄市○李鴻章電致袁世凱二十五日到滬後余聯沅鈔送直藩真電奉旨催令北上又元電奉旨調補直隸總督著自行的最如能備坐俄國信船由海道星夜北上尤爲殷盼否則卽由陸路兼程前來勿稍刻延等因欽此仰蒙倚任優隆曷勝感悚惟念前在北洋二十餘年經營諸務租有就緒今一旦敗壞掃地盡矣奉命於危難之中深懼無可措手萬難再當卸任連日感暑馳驅感冒腹瀉衰年孱軀眠食俱廢齋飛不能徒增惶急至俄國並無信船在滬現值奉天黑龍江開衅俄船必不肯借羅蠟祿電稱英外部請俟各使護送到津再北上與之會議未知都中能派隊伍送各使赴津否容俟調養稍愈卽由陸路前進請由六百里加緊飛遞軍機處代奏上諭

軍機大臣等李鴻章電悉現在軍機甚緊著仍遵前旨迅速北來毋再稽延○甲辰諭軍機大臣等戶部
奏遵議直隸布政使廷雍奏軍務需款浩繁請飭協濟一摺自省城失守司關道局各處庫款無存不能
不賴各省協撥以濟急需著各該督撫按照該部所議單開銀兩務於本省司道關局各庫無論何款移
就急需按照指撥銀數趕緊分批交解不准遲延致有貽誤○丙午以陳澤霖為江西按察使○丁未調
呂本元為浙江提督以馬玉崑為直隸提督○諭前因近畿民教滋事激成中外兵端各國之在京者理
應一律保護迭經總理衙門王大臣多方致書慰問並以京城人心未靖防範難周與各使臣商議派兵
護送前往天津暫避以免驚恐即著大學士榮祿預行遴派妥實文武大臣帶同得力兵隊俟該使臣定
期何日出京沿途妥為護送倘有匪徒窺伺搶掠情形即行剿擊不得稍有疎虞各使臣未出京以前有
通信本國之處但係明電即由總理各國事務衙門速為辦理毋稍延擱用示朝廷懷柔遠人坦懷相與
之至意○諭前因中外聲端未明各國商民教堂之在華者本與兵事無涉諭令各督撫照常保護現在
京畿大兵雲集各路統兵大員亦當仰體此意凡洋商教士均當設法保全以副朝廷懷柔遠人之意教
民亦國家赤子本無畛域可分惟自拳匪肇釁以來該教民等多有盤踞村莊掘濠築壘抗拒官兵者此
等跡同叛逆自不能不嚴行剿辦第念其實係迫於畏罪之心果能悔悟自新仍可網開一面昨據宋慶

報稱寶坻縣大簿旬教民經該軍剴切曉諭該教民等均願平耳填壕自行解散各就村落莊舍照常居住是該教民等非盡甘心爲匪亦可概見所有各處教民如有感悟投誠者著將弁及該地方官應一體照此辦理不得概加殺戮其各處匪徒假託義民尋仇劫殺者卽著分別查明隨時懲辦以靖亂萌○戊申諭劉坤一奏軍情緊要請飭各省修電報綫以通消息一摺現當用兵之際軍情瞬息千變全賴電綫無阻消息靈通方可通籌因應迅赴事機著直省將軍督撫嚴飭地方文武營汛務將電綫一體認真稽察實力保護倘有匪徒糾眾掘斷毀壞情事卽行勒拿嚴辦並將防範不力之員弁從重懲處至直隸保定及山西陝西一帶電綫被毀尤多著裕祿等飭屬查明地段立卽設法修復不得稍有遲誤○己酉各國聯軍由天津進攻北倉據之○庚戌各國聯軍據我楊村直隸總督裕祿死之○辛亥諭軍機大臣等據袁世凱代奏接准劉樹堂電稱浙江江山縣會匪吳賴頭糾合閩省浦城縣土匪劉加幅等旗起事連陷江山常山二縣衢郡戒嚴該郡界連三省慮其竄逸等語現在海防方急土匪又復乘機起事卽應速行撲滅以清內訌著劉樹堂迅飭派出各營實力拏剿務將江山常山二縣城剋日規復并著劉坤一許應騷王之春松壽各派勁兵會同兜剿仍嚴防分竄之路勿令蔓延爲要將此由六百里各諭令知之○諭前中外開釁各直省軍務倥傯業經降旨將本年恩科文鄉試展緩舉行所有各省武鄉試著該部

按照文鄉試展緩日期以次遞推兵部知道○壬子各國聯軍據我蔡村○諭此次中外發覺各國無不誤會中國地方官亦有辦理不善之處兵連禍結有乖夙好總非全球之福蓋授李鴻章爲全權大臣卽日電商各國外部先行停戰仍將應行議結事宜分別妥商請旨遵行○癸丑李秉衡率軍守門陳澤霖亦在登台攻蔡村不克各國聯軍進據河西塢○李鴻章電致軍機處鴻章抵滬後觸暑腹瀉本擬稍痊卽行乃連瀉不止精脚委頓因念國事至急理當盡瘁惟半月以來元氣大傷夜不成寐兩腿軟弱竟難寸步醫藥雜投曾無少效擬懇 聖慈假假二十日俾息殘喘備假內見愈仍力疾趨程北上乞代奏

上諭軍機大臣等李鴻章昨已授爲全權大臣與各國外商辦一切軍機至迫所請假假之處著毋庸議○乙卯命馬玉崑移軍駐紮南苑○內辰兵部尚書徐用儀戶部尚書立山內閣學士聯元駁市○李秉衡督師規取河西塢至武清縣馬頭地方遇敵敗績死之○丁巳各國聯軍進據通州○命馬玉崑移軍駐紮柔育○丁振鐸奏前緬界務條約第四款內載北緯二十五度三十五分之北一段邊界俟將來查明該處情形稍詳兩國再定界線等語查此段邊界係在騰越廳屬尖高山之北兩國既未勘分自應仍各守現管之界不得稍有侵越乃於本年正月十六日據雲南騰越鎮總兵張松林書騰越同知楊均電稱正月十四日突有英兵數百闖入內地經茨竹土把總左孝臣理阻英兵詭稱查界並無他意詎於

是夜忽發號開鎗燒殺茨竹派賴各寨左孝臣率土練土民抵禦致被傷斃一百餘命左孝臣亦登時陣亡英兵卽佔踞該處威逼土民歸順該鎮聞警派兵往援并飭不准越界追擊英兵始退出界外適提督馮子材查閱營伍到騰卽電請提督督同鎮總委爲布置防務紳民亦請留提督暫駐騰城以資鎮懾并將一切情形電咨總理各國事務衙門照會英使速飭英員密芝那府與該廳會勘查辦嗣准總理衙門覆電英使稱滇緬交界滋事係華兵先越界並云該處未分界應先以恩賈卡河與潞江中間之分水嶺爲暫時從權之界等語查茨竹派賴各寨係我土把總承襲世守之地所管地方向以緬境接壤之小江爲界均有圖冊可考卽將來兩國照約勘定界綫亦應在滇緬交界處劃分方昭公允英使所謂恩賈卡河查無其名卽潞江之分水嶺係在我茨竹派賴各寨之內豈能於未查明勘分之先突入我現管界內百餘里自立一從權之界窺其意顯欲藉此狡賴遂可將燒殺之案抹煞又可爲將來佔據本用意甚詭關係甚大復經電請總理各國事務衙門切實照會英使詳告外部應以現管小江爲界勿再越擾以全邦交一面仍飭該廳約會英員妥爲議辦茲據該廳稟稱遵卽備文照會英員新街密芝那兩府並駐緬杜參贊訂期四月十九日在邊界會該廳卽率領通事土弁攜帶承襲部頒割付疆界圖冊前往會議英員初仍堅執恩賈卡河與潞江中間分水嶺爲兩國暫定界綫經該廳駁以明光茨竹一

帶山脚係小江及龍江分水並不流入潞江亦無思貢卡河之石井證以土并割付國册英員始覺語塞
該屬議及燒殺命案英員語尤支吾但云事關重大須稟山兩國政府和衷商議次日即相率回緬未能
強留議辦等情請示前來查該處邊界未經勘定以前彼此均應各守現管之界無相侵擾乃英員突
然縱兵犯境燒殺多命復欲入我內地立一暫時從權之界強橫狡詐莫此為甚如此大人命不究邊民
無以自立界址不清被族益將肆擾劫逞其所欲不惟膺心膺膺則光各隘關要全失即保山縣屬之登
樓會寧各土弁所管之地亦難保全惟人命界址兩事該英員均稱須稟山兩國政府商辦意在不欲與
商議結合無仰懇 天恩飭下總理各國事務衙門再行切實照會英使轉告外部飭知新街密芝那兩
府該處一段邊界未經兩國 欽派大臣查明勘分以前仍應各守現管之界勿再侵越滋擾其英兵燒
殺焚竹派帕土弁土民多命之案應如何議結一併由總理衙門會同英使妥議飭遵辦理俾安邊氓而
敦睦誼得 旨該衙門知道○戊午各國聯軍過京師○己未各國聯軍入京師○庚申 上奉 慈禧
端佑康頤昭豫莊誠壽恭欽獻崇熙皇太后啟鑾出德勝門駐蹕○壬戌 上奉 慈禧端佑康頤昭豫
莊誠壽恭欽獻崇熙皇太后至懷來縣駐蹕○甲子論軍機大臣等七月二十一日洋兵猛攻入城圍撲
宮禁勢甚危險朕不得已恭奉 慈禧端佑康頤昭豫莊誠壽恭欽獻崇熙皇太后慈禧暫行西幸此次

發起民教互闕朝廷辦理爲難情形已歷次備國書詳告各國彼方以代除亂民爲辭於國家並無他意而似此舉動殊屬不顧邦交未符原議且中國於駐京各使臣始終委曲成全未嘗失禮尤不應如此相待昨已派榮祿徐桐崇綺留京辦事然當各國氣勢方張之際恐在京未能遽與開議該大臣公忠素著平日威望亦爲外人所信服國事如此不知該大臣止後如何憤激著即迅籌辦法或電各國外外部或商上海各總領事從中轉關務期竭盡心力爲國家捍此大患朕不勝翹盼之至○乙丑諭朕朝以忠厚開基二百數十年厚澤深仁流浹宇內薄海臣民各有尊君親上効死勿貳之義是以盪平逆亂海宇又安皆賴我列祖列宗文謨武烈超越前古亦以累朝親賢夾輔用能宏濟艱難迨道光咸豐以後漸滋外患賴廟謨默運卒能轉危爲安朕以沖齡入承大統卽奉 聖母皇太后懿訓於 祖宗家法恭儉仁恤諸大端未敢稍有隕越亦薄海臣民所共見共聞不謂近日蠲起國教不和變生倉猝竟致震驚九廟 慈輿播遷自顧孽躬負罪寔甚然禍亂之萌已非朝夕果使大小臣工有公忠體國之心無泄沓偷安之習何至一朝敗壞若此爾中外文武大小臣工天良其在試念平日之受恩過渥者何若其自許忠義者安在今見國家防危若此其將何以爲心乎知人不明皆朕一人之罪小民何辜遭此塗炭朕尙何所弛其責備耶朕爲天下之主不能爲民捍患卹身殉社稷亦復何所顧惜敬念 聖母春秋已高

豈敢有虧孝養是以恭奉 聖輿暫行巡幸太原所幸就道以來 慈躬安全無恙尙可爲天下臣民告慰自今以往韓旋危局我君臣責無旁貸其部院堂司各官著分班速赴行在以資整理庶務各直省督撫更宜整頓邊防力固疆圉前據劉坤一張之洞等奏沿海沿江各口商路照常如約保護今仍應照議施行以昭大信其各省教民良莠不齊苟無聚衆作亂情形卽屬朝廷赤子地方官仍宜一體撫綏毋庸歧視要之國家設官各有職守不論大小京外文武咸宜上念 祖 宗養士之恩深維君辱臣死之義臥薪嘗膽勿託空言於一切用人行政籌餉練兵在在出以精心視國事如家事毋飾非而貽誤公家毋專己而輕排羣議淋瀝洗心匡予不逮朕雖不德庶幾不違而復天心之悔禍可期矣將此通諭知之○丙寅 上奉 慈禧端佑康頤昭豫莊誠壽恭欽獻崇熙皇太后啟鑾行六十里至宣化府駐蹕○丁卯諭自來國治之原必以明目達聰爲要此次丙訂外侮倉猝交乘頻年所全力經營者毀於一旦是知禍患之伏於隱微爲朕所不及察者多矣恐前愆後能不寒心自今以往凡有奏事之責者於朕躬之過誤政事之闕失民生之休戚務當隨時獻替直陳無隱當此鉅痛深之後如猶惡聞諍論高近謔詬朕雖薄德自問當不至此設平日未懷忠悃臨時漫據浮詞甚或假公濟私巧爲嘗試則爾諸臣之負朕實深苟具天良不應有此所冀內外臣工各矢公忠共持危局庶幾集思廣益用以祛弊扶衰朕實慙慙有厚

望為將此頭諭知之○已已諭全樞大臣李鴻章准其便宜行事將應辦事宜迅速辦理朕不為遙制接
奏此旨後先行覆奏以慰厯系將此由六百里加緊諭令知之